

# *PUO YA PONTSHO*



Tswang le sa eme nakwana ka pela Sefahleho sa Morena.  
Ha re baleng Lentswe la Hae, ho Exoda, kgaolong ya 4.

*Moshe o araba a re, Empa, bona, ha ba ka ke ba ntumela, mme ha ba ka ke ba dumela lentswe la ka: hobane batla re, JEHOVA ha a ka a iponahatsa le wena.*

*JEHOVA a re ho yena, Keng eo e letsohong la hao?... a re, Ke lere.*

*A re, Le lahlele fatshe. A le lahlela fatshe, yaba le fetoha noha; mme Moshe a baleha pela yona.*

*JEHOVA a re ho Moshe, Nanabetsa letsoho la hao, o e tshware ka mohatla. Yaba o nanabetsa letsoho la hae, a e tshwara, mme ya boela ya fetoha lere seatleng sa hae:*

*Ke hore ba tle ba kgolwe hobane JEHOVA Modimo wa bontata bona, Modimo wa Abraham, Modimo wa Isaaka, Modimo wa Jakobo, o iponahaditse ho wena.*

*JEHOVA eketsa a re ho yena, Ako kenyé letsoho la hao sefubeng sa hao. A kenyá letsoho la hae sefubeng sa hae: eitseha a le ntsha, a bona, le le jwaloka lehlwa ke lepera.*

*Yaba o re, Busetsa letsoho la hao sefubeng sa hao. A kenyá letsoho la hae sefubeng sa hae; mme a le ntsha sefubeng sa hae, mme, bonang, a bona le boetse le le jwaleka nama ya hae.*

*Etlare, ha ba sa o dumele, mme ba sa utwe puo ya pontsho ya pele, ba tla kgolwa ke puo ya pontsho ya bobedi.*

*Ekare, ha ba sa u kgolwe, le ke dipontsho tsena tse pedi, mme ba sa utlwe lentswe la hao, o tla nka metsi a noka, o a tshollele mono fatshe: mme metsi a o a nkileng nokeng a tla fetoha madi hodima... lefatshe.*

<sup>2</sup> Ha re inamiseng dihlooho tsa rona thapeleng. Jwale na o tshwere kopo, mantsiboya ana, o ratang ho e tsebisa Morena, ako phahamise matsoho a hao feela mme o re, "Morena, nkopole jwale. Ke a hloka."

<sup>3</sup> Ntata rona ya Lehodimong, re boela re O atamela mantsiboya ana, re a elellwa re inamisitse dihlooho tsa rona nqa lerole leo re tswileng ho lona, mme, ha O ka dieha, re tla kgutlela leroleng. Empa e le ka tshepo e bokwang ya tshepiso e leng ka ho Kreste, e reng bohole ba leng ho Modimo Kreste o tla

ba hlahisa le Yena mmoho. Re—re O leboha ka pallo e bokwang ena. Mme ke a rapela, Modimo, O tle o hopole e mong le e mong wa ba phahamisitseng matsoho a bona, le la ka, Morena.

<sup>4</sup> Ke a rapela, bosiusing bona, ho kwalweng ha hora ena ya tumelo, O tle o abele batho tumelo e kgolo bosiusing bona, hoo Morena Jesu a tla fetohela e mong le e mong wa rona nnete, ho se be le mokudi hara rona hoba bosiu bona bo fete. Moetsadibe ka mong a ellwe o pela Sefahleho sa Morena Jesu, mme a bakele dibe tsa hae, mme a O neele pelo ya hae, mme a tlale Moya; dihoreng tse kgopo tsena tsa qetelo, re sa e bona eka serithiadi se hahabang hodima lefatshe.

<sup>5</sup> Re rapella, Modimo, tataiso e Mokgethwa, bosiusing bona, ho bua le ho utlwa. Moya o Halalelang a nke tshebeletso jwale mme a ngwathele e mong le e mong wa rona Bohobe ba Bophelo kamoo re hlokang, hoba re e kopa ka Lebitso la Hae. Amen.

Ho ka dulwa fatshe.

<sup>6</sup> Bosiusing bona ke tshepa re tla finyella seo re lekang batho ba se bone, e—e bonnete ba ho ba le tumelo ho Modimo.

<sup>7</sup> Jwale, hosane mantsiboya ka mashome a mararo ka morao hora ya bobedi, ho tla rapellwa bohole ba tshwereng ditlankana tsa thapelo. Le ho kgodiseha ho se motho ya salang, a sa tshwara setlankana sa thapelo, re aba ditlankana tsa thapelo bosiusing bona. Mme o tla boela a di aba hosane, nka re...Kea kgolwa, ka bo mashome a mararo ka mora nngwe kapa ho hong, pele tshebeletso e qala. Mme bohole ba lakatsang ho rapellwa, mang feela wa baratuwa ba lona, ba tliseng mme ba inkele setlankana sa thapelo. Ruri ba tla—tla be ba amohetswe ho inkela setlankana sa thapelo. Mme re tlilo...

<sup>8</sup> Ke tlilo rapella batho, ka ho ba bea matsoho le ho ba rapella. Jwale ha tumelo ya hao e sa kgone ho phahama ka pela Sefahleho sa Morena Jesu le ho Mo amohela e le mofodisi wa hao, mme o dumela o re ha re ka rapella ra o bea matsoho, o ka thuswa ke hona, be, ruri re mona ho etsa sohle se o se lakatsang.

<sup>9</sup> Ke ka hona ke o diehisang nakong, halelele, hore mang le mang eo nka mo kgonang, ya ka isang letsoho a fumana Modimo motheong oo. Mme ha re na ba bangata hakaalo. Ho na le...Mohaho ha o moholo haholo, mme ka hona ha re na batho ba bangata. Mme re ka qeta thapama ya hosasa mme ra rapella bohole ba mona, ho kgethela thapama morero oo, ho rapella bakudi.

<sup>10</sup> Mme re mona ho etsa sohle seo re ka se kgonang ho le ntlafaletsa bophelo, ho le bebofaletsa morwalo, leetong lena leo re le tsamayang.

<sup>11</sup> Mme nako efe feela, ha motho a ikutlwaa hore—hore o batla ho tla ho Morena Jesu, ho sa tsotelle karolo e tsweletseng

ya tshebeletso, tloo nakong yona eo. Se ka emela mohla ho memelwang aletare. O se ke wa emela pitso. Tloo hona hoo, amohela Kreste, mme o nyolohe hantle mme o Mo pake hona hoo. Hoba e le wona morero wa rona wa sehlooho ho ba mona, ke ho bona meya e tswallwa Mmusong wa Modimo.

<sup>12</sup> Mme jwale, hosane ke Sontaha, mme ho tshwarwa sekolo sa Sontaha, dikereke. Lebaka leo re tshwarang ditshebeletso tsa rona thapama, ka Sontaha, re tle re se sitise tshebeletso efe ho hang. Re dumela Mokreste ka mong a tlameha ho ba le e—e lehae la kereke eo ba e kenang. Mokreste ka mong o tlameha ho kopanela kae-kae le badumedi. Mme hohle moo le kopanelang teng, ke kereke eo.

<sup>13</sup> Jwale, hola ke dula mona, ke ne ke tla ba leloko la dikereke tsena mona, tseo badisa bana mona, ba sebetsang mmoho, ba di emetseng. Hobaneng? Hobane ba dutse kalaneng, ho bonwa ke batho bohole, ba tjhaella se etsahalang. Ba dumela tshebeletsong ya mokgalo wona, phodiso ya Kgalalelo, Kolobetso ya Moya o Halalelang, le dintho tse jwalo. Ba mona ba paka. Ke bona ba mmemileng ho tla kwano, ka hore mohlomong tshebeletso ya ka ya lentswe eo Morena a mphileng yona e ka thusa phutheho tsa bona.

<sup>14</sup> Jwale eo ke modisa wa sebele, ya batlang melemo yohle ya moya a ka e fumanang, ho seo Modimo a se etsang, o leka ka bokgoni ba hae bohole ho thusa kereke ya hae ho kena kgatong ya Modimo. Ruri ke tsota ke rolela modisa ya jwalo kgaebane.

<sup>15</sup> Mme banna bana ba ile ba tlameha ho sebetsa tlasa mathata, le hona. Le ka dumela hoba ke mnene. Ba ile ba tlameha ho sebetsa tlasa mathata. Mme ke—ke ruri ke motlotlo ka monna e mokaalo wa Modimo, ya ikemisedtseng ho ema sebakeng sa bona le mosebetsing wa bona hodima dikgodiseho tsa bona, le—le ho dumela. Modimo a ba hlohonolofatse ka mehla!

<sup>16</sup> Mme ke kgolwa batla le thabisa. Jwale, ha o le moeti mona, fumana moo dikereke tsa baena bana, moo di leng teng. Ba eteleng hosasa. Ba tla tshwara ditshebeletso tse ikgethileng, mme mona ho na le bareri ba tla bua dikerekeng tse fapaneng, mme e se e tsebisitswe. Ka hona le ba etele hosane.

<sup>17</sup> Mme hosane thapama, ha le batla ho etela tshebeletso e kwalang, ruri re tla thabela ho ba mmoho le lona. Dikereke tsohle, diphutheho tsohle, e etseditswe e mong le e mong. E mong le e mong o amohetswe; Methodise, Baptise, Presbeteriene, Pentekosta, kereke ya Kreste, kereke ya Modimo, Katolike, ya Bajuda ya Molao, mohetene, sohle o leng sona. Rona re... Le a mengwa.

“O re, ‘Mohetene?’” E, monghadi.

<sup>18</sup> Ha mohetene a kena kopanong mme a dula fatshe mme a itshwara, o amohetswe se ka mang le mang. Hantle. Ntho

e nngwe, re mmatlela morero ona oo mona, ho ka etswa ntho e mo thusang ho bona phoso ya hae, mme a tle ho Morena. Hobane re... Ruri.

<sup>19</sup> Ba bakae ba badileng pono e nyenyane eo makasine wa Borakgwebo ba Bakreste e phatlaladitseng, mme ke kgolwa le ke a mang a mmalwa maka..., ya, *Ho Sheba Ka Ngane Ho Lesira La Nako?* Jwale hoo ke nnete, motswalle. Ha o a tshwanelo ho foswa ke yona. Ke—ke fetohile motho ya fapaneng haesale. Kea e tseba ke nnete, ka hona ke—ke—ke tshepa ho se motho ya tla fosa Lehodimo le leholo leo Modimo a le lokiseditseng badumedi. Ha o ka etsa, o phethileng lefatsheng lena? Hobane, ha o tsebe mohla o tla tlameha ho siya lefatshe lena. Empa o tseba ntho e le nngwe, ruri o tla tlameha ho le siya. Ka baka leo haeba e le nnete, na re tla be re se sethoho ho leka ho—ho etsa feela... Ha re a tlameha ho etsa phupe—ka—lefe ya mofuta o itseng. Wa bona, ako hopole feela, dumela Lentswe la Modimo le pallo ka nngwe e ka ho Lona.

<sup>20</sup> Ako nahane feela, bolwetse ka bong bo bakilwe keng, pelo ka nngwe e bohloko, lefu ka leng, bothata ka bong, mahlomola a mang le a mang, ngwana enwa ya rutlehang mesifa, dintho tsena tsohle, diritsa, difofu, kaho ya kokelo ka nngwe? Kahobane motho a le mong a sitilwe ho dumela karowlana e le nngwe ya Lentswe. E ne e le Eva. Satane o mpile a mo kgurumeletsa lona. A sa le qotse, a mpa a mo kgurumeletsa lona, ho re, “Ruri... Morena o lokile haholo.”

<sup>21</sup> Le e utlwa haholo kajeno, ho thwe Modimo ke Modimo o lokileng haholo. Ke Modimo o lokileng, empa le hopole Ke Modimo wa kgalalelo, Modimo o sa tlodiseng sebe mahlo hodimo. Moputso o lefilwe, mme o tlamehile ho e amohela ho latela metheo ya Hae. Mme le hopole, Ke Modimo wa kgalefo, Modimo o befang. Mme o tla ema pela Modimo o halefileng, e seng feela Modimo wa ho loka le mohau. Bosiung bona Ke Mopholosi wa hao; ka Tsatsi leo Ke Moahlodi wa hao.

<sup>22</sup> Ka hona ikgodise o se siye letho le sa etswa, motswalle. E—e ke ke... Ha e putse. O se ke—o se e atamele o tlatselela feela. Ikgodise, boela o ikgodise habedi, hoba ha o sa tla fumana monyetla o mong. Wona ke ona feela monyetla wa hao, o sa le lefatsheng mona.

<sup>23</sup> Hopolang morui le Lasaro, kgohlo e kgolo e eme dipakeng tsa hao le Yena, ho seng motho ya kileng a e tshela, kapa a tlang ho e tshela le ka mohla. Wa bona? Ha o—ha o eshwa, ho fedile. Ke tseba batho ba reng ba ka o rapella wa tswa dinqalong tseo, empa o se ke wa e dumela le ka mohla. Taba eo e thulana le Lentswe la Modimo. Wa bona? “Sefate se wela, moo se sekametseng teng.” Mme Jesu o buile, ka Boyena, ho re, “Kgohlo e teng, eo, ha motho a e shwa mme a ya diheleng, a ke keng (le ka mohla) a kena Lehodimong le ka mohla. Ha

ho motho kileng a e tshela, mme ha ho ya sa tla kgona.” Ke phetho, ho ya ka nna. Haeba Jesu a itsalo, ho fela ho dutse jwalo.

<sup>24</sup> Ka hona ako hopole, jwale ke monyetla wa hao, mme bosiu bona e ka ba monyetla wa hao wa qetelo.

<sup>25</sup> Na le ka thuisa se etsahalang? Hola feelsa le ka se bona! Ha ke kgolwe le nahana ke bua jwalo, ke leka ho le susumetsa ho tadima monna ya itseng, kapa hona ho dumela monna ya itseng. Ha ke etse jwalo, motswalle. Ke leka hore le dumele Eo re leng ka pela Sefahleho sa Hae jwale. Jesu Kreste, yena Modimo ya tla o ahlola ka Tsatsi leo, o teng mona o ntse a Itsebisa pontsheng ya hao, e leng seo A tshepisitseng A tla se etsa matsatsing ana a bofelo.

<sup>26</sup> Kea kgolwa Moena Price, hoseng hona dijong tsa hoseng, o entse sekai se setle malebana le ho fihla khoneng, o ntano tlameha ho ja khona. Le ile la o thabela? [Phuthetho e re, “Amen.”—Mong.] Ehlide bo. O ne o beilwe hantle, ka tshwanelo hle.

<sup>27</sup> Jwale, hopolang, ka dinako tse ding dikhoneng tsena, empa ha re hopoleng hore re tlameha ho ja dikhona tsena. Nkile ka rera ka yona, ka mohla o mong, mme ka o rea, *Makopanelo*. Hangata re fihla makopanelong, kgafetsa, re lokele ho thinyetsa ka *mona* le ho pota le ka nqa tse fapaneng.

<sup>28</sup> Jwale bosiusa bona, metsotsong e mmalwa e latelang, ke batla ho qotsa sehlooho sa—sa: *Puo Ya Pontsho*. Mme jwale ketsahalo ya rona e buleha, bosiusa bona, Bukeng ya Exoda, mme *exoda* e bolela “ho tswa; ho ntshwa.” Jwale lekang ho mamela ka hloko kamoo le kgonang.

<sup>29</sup> Ke rata ho le rerela ka nako e nngwe, le letshwele le mosa haholo, ke mpa ke se na lentswe. Ha nka le kgohlopha hanyenyane feelsa, ke tseba se tla etsahala. Ke tshwanela ho phomola nakwana jwale, matsatsi a robedi kapa a leshome, pele ke qala tshebeletso e latelang. Wa bona, ha se tshebeletso e le nngwe ena mona feelsa. Ke kopano, letsatsi ka mora letsatsi, veke ka mora veke, kgwedi ka mora kgwedi, selemo ka mora selemo, wa bona, mme le ka nahana.

<sup>30</sup> Mme ke nahana ka dinako tsohle, selemo ka mora selemo, ha ho mohla A kileng a bua letho le sa phethahala, e le nnete e tiileng; dipuong tsohle, lefatshe lohle ho pota, makgetlo a supileng. Wa bona? Ha ho motho, kae feelsa, haese ya ka e pakang e ne e nepahetse, botsekeng hantle, nako tsohle. Ha A re ho tla hlaha ntho, e etsahetse hantle ka tsela eo. Ho e bolela diveke le dikgwedi, le dilemo, esita, le pele e etsahala, mme ka mehla e otla botsekeng. Ha ho mohla e kileng ya hlolleha, mme ha e sa tla hlola, hobane ke Modimo. Jwale, nna nka hlolleha, jwaleka motho. Le se ntjhebe la mpea mohlala, hobane ke—ke tshwana le lona, moetsadibe feelsa ya bolokehileng ka mohau.

Empa eo ke Modimo, mohlolo o ka hodima hlaho, wa bona, o a Iponahatsa. Ha A tlameha ho etsa hoo, empa O tshepisitse A tla e etsa.

<sup>31</sup> Jesu o fodisitse ho tle ho phethwe Lentswe. Dintho tseo O di entse hore ho phethwe Lentswe la Modimo.

<sup>32</sup> Le kajeno O e etsetsa lebaka leo, hore Lentswe le tle phethwe, lona leo ke Le qotseditseng lona, bosiu ka mora bosiu.

<sup>33</sup> Jwale hlokamelang ha Boteng ba Hae bo le haufi, Bona, Bo hlile bo hlahisa maikutlo. Jwaleka ha ke buile hoseng hona, "Sohle se se nang maikutlo se shwele." Mme borapedi bofe bo se nang maikutlo, o mpe o bo epele, bo shwele. Bo hlahisa maikutlo. O a re tsosa. Empa ha re tsoswa, ha re hopoleng re tsositswe Keng. Hoo ho entswe keng? Ke Sefahleho sa Moya o Halalelang, Jesu Kreste hara rona, O ipontsha A phela. E seng ka mmele wa nama; nakong eo, mohla mmele oo wa nama o kgutlang Lehodimong, nako ha e sa tla ba teng. Ke phetho. Mme re a tseba re mono, re phela matsatsing a qetelo, mohla dintho tsena di tla etsahala.

Jwale, Modimo o bile le diexoda. Ho na le . . .

<sup>34</sup> Ntho ka e e kgema ka boraro, ho Modimo. Modimo o phethehile borarong. Ho tla ha Kreste la pele, ho *lopolla* Monyaduwa wa Hae; ho kgutla ha Kreste labobedi, ho *amohela* Monyaduwa wa Hae; ho kgutla ha Kreste laboraro, *mmoho* le Monyaduwa wa Hae, ho busa Seketeng sa Dilemo. Ntho ka nngwe e kgema ka boraro.

<sup>35</sup> Jwale, di bile teng, di tla ba teng, ho tla ba le diexoda tse tharo. E nngwe ya tsona, Modimo o ba kentse ka *hara* areka, e le exoda, ho palama hodima lefatshe. Kgetlo le latelang, Modimo o ba ntsheditse ka *ntle* ho—ho Egepeta. Mme kgetlo le latelang, Modimo o ba nyollela *hodimo*. Ka hare, ka *ntle*, *hodimo!* Exoda e latelang ke nyolohela *hodimo*. Re tobane le e nngwe jwale, nako ya ho nyolohela *hodimo*.

<sup>36</sup> Bophelo le bona bo kgema jwalo. Re kena ka *hara* bophelo, re tswela ka *ntle* ho bophelo, re tsosetswa *hodimo* bophelong, ntho e tshwanang hantle. Ka baka leo re . . .

<sup>37</sup> Tema ya rona e bulwa exoda bosiusing bona, mme e le ha Modimo o itokisetsa ho nka setjhaba sa Hae.

<sup>38</sup> Israele ke setjhaba. Modimo ha o sebetse le Israele ka bomong. Israele ke setjhaba, esale a sebetsa le bona jwalo. Mme matsatsing a qetelo, hoba e—e kereke e falle, ke moo Modimo a tla boloka Israele e le setjhaba. E lehaeng hona jwale, e emetse hoo. Mme ba tla bolokeha, Bibele e boletse, "Setjhaba se tla tswalwa ka letsatsi." Modimo ha o sebetse le Bajuda ka bomong. O sebetsa le bona e le setjhaba, Israele, ka mehla, hobane ke setjhaba sa Hae.

<sup>39</sup> Mme mona O itokisetsa ho ntsha setjhaba sa Hae ka hara setjhaba, exodeng, ho ntsha batho ba Hae kahlolong.

<sup>40</sup> Mme wona metsi a pupeditseng lefatshe, a pholositse Nowe. Wa bona? Mme wona Moya o Halalelang, oo batho kajeno ba o latolang, o tla nka Kereke o E nyolle, le ho dihela kahlolo hodima ho sa dumeleng ho Wona. Jesu o itsalo.

<sup>41</sup> Mohla ba ne ba Mo bitsa, “Belsebule,” ka mantswe a mang, “E ne e le senohe.” Bao . . .

<sup>42</sup> O itse, “Ke tla le tshwarela hona,” Mora motho. Sehlabelo se ne se eso ho etswe. “Empa mohla Moya o Halalelang a tlang a etsa ntho yona eo, lentswe le le leng kgahlano le Wona ha le ka ke la tshwarelw a lefatsheng lena leha e le lefatsheng le tlang ho tla.” E tlameha ho latolwa, mme kahlolo e ntoo otla ka mora moo. Wa bona, bothata ke ho re re . . .

<sup>43</sup> Ho nkgopotsa pale eo nkileng ka e bala, ya mosesisi wa kgale ya tswang lewatle, mme e—e seroki sa Lenyesemane sona se ya lewatle. Mme seroki se ne se ngotse haholo ka lewatle, a mpa a eso le bone, ka hona a theohela teng. Mme mokaubere wa kgale a re ho yena, a momme peipi ya hae molomong wa hae, ho re, “O habile kae, weso?”

<sup>44</sup> A re, “Ke sa theohela lewatle.” A re, “Ha ke eso le bone. Ke ngotse ka lona, le ka seo ba bang ba se buileng, empa,” ho re, “oh, ke thabetse ho tseba hore ke atametse lewatle.” A re, “Oh, ho fofonela moyana wa lona o letswayana! Ho boha maqhubuhadi a lona, a masowana a phatloha hodima lona, le kgadimo ya lehodimo hodima lona, le ho utlwa dinonyana di rura hodima lona, oh, ke thabetse mohopolo wa ho le bona!”

<sup>45</sup> Mokaubere wa re, “Ke hlahetse ho lona, dilemo tse mashome a tsheletseng tse fetileng, ha ke bone botle bo bokaalo ka lona.” Wa bona, o le bone senyekge la ba la fetoha tlwaelo ho yena.

<sup>46</sup> Jwale ke bona bothata ba kereke ya Pentekosta kajeno. E bone Modimo senyekge-nyekge, Modimo o bile a tlwaelo ke bona. Le se e dumelle ho le etsahalla!

<sup>47</sup> Ha se kgale haholo mona, kwana Louisville, Kentucky. Moo ke tswang teng, Jeffersonville, Indiana, ke mose wane wa noka ho tswa moo. Mofumahadi e mong o kile a kena levenkeleng. Mme yena (a) sikarile moshanyana sephakeng sa hae, mme a ema dikhaontareng mme a sisa pelo. A thonake ntho, a e bontshe moshanyana wa hae; a dule feela a pompetse. A tlohe a ye khaontareng e nngwe, a thonake ho hong a ho supise moshanyana; a pompale feela. Mme ka mora nakwana, a phahamisa tleloko a e ketemisa, mme moshanyana a pompala feela. Yaba o qala a howeletsa, a akgela matsoho a hae sebakeng. Mme batho ba ka levenkeleng ba ntse ba mo shebile, ba mo atamela ho botsa lebaka.

<sup>48</sup> A re, "Ke se ke... Moshanyana wa ka," ho re, "o dilemo di tharo feela." Le ho re, "Ke... Hang feela, nako e ka bang selemo e fetileng, o nka feela a dule mme a pompalle sebaka." Le ho re, "Ke—ke mo isitse ngakeng," le ho re, "mme ngaka ya eletsa dikalafo tse itseng le dintho." Le ho re, "Mme ngaka e mpoleletse, kajeno, e re e hopola maemo a hae a ntlaufetse. Empa," ho re, "ha a ntlaufala ka letho." Ho re, "Ke tsokoditse pela hae tse tlamehang ho hapa moshanyana ya dilemong tsa hae, maikutlo. Sohle se ka hapang moshanyana ya dilemong tsa hae, ke di tsokoditse pela hae, mme o dula feela mme a pompalle sebaka." Ho re, "Maemo a hae ha a ntlaufala ka letho."

<sup>49</sup> Taba eo e batla e bapisa kereke ya Pentekosta. Modimo o ketemisitse neo ka nngwe, e ka hara Bibebe, pela bona, mme ba sa ntse ba dutse mme ba pompaletse sebaka, eka phoso e teng. Ke nako hore re phaphame, metswalle, pele nako e feta. Hopolang, Modimo dineo tseo ha o di ketemise haese ha A leka ho hapa maikutlo a hao.

Modimo o ne a ntsha setjhaba ka hara setjhaba.

<sup>50</sup> Ke mokana A etsa hona jwale, o tlilo ntsha Monyaduwa kerekeng, ho siya masalla a peo ya mosadi. Bakgethwa ba tlilo ntshwa kerekeng. Kereke ya nama e tlilo salla matshwenyeho mona. Ka nako tse ding bakgethwa ba bitswa "ba thontsweng, bakgethwa, masalla."

<sup>51</sup> Ha re shebang kamoo A e sebeditseng mohlang oo, hoba le ka mohla ha A fetole tsela ya Hae ho etsa dintho. Tsela ya Modimo ho etsa dintho e nngwe, mme O e sebetsa jwalo, mme ke yona tsela e nepileng eo, ka mehla. Bonang kamoo A e sebeditseng, le mokgwa A e sebeditseng ka wona, mme re ka habanya pono ya taba ena.

<sup>52</sup> Nna ke motho ya bapisang, ruri. Ha ke na thuto. Ke tlameha ho hetla morao ho bona seo A se entseng. Mme re a rutwa ho re, "Testamente ya Kgale e ne e le seriti sa dintho tse tleng ho tla." Ka hona haeba ke shebile mona mme ke eso bone letsoho la ka le ka mohla, mme ke bone seriti sa letsoho la ka, mme ke ena le menwana e mehlano, nka ba le mohopolo o motle o reng mohla letsoho la ka le fihlang mono, ke tla ba le menwana e mehlano. Ha ho le jwalo se ba hlahetseng ke mehlala ya kamoo Modimo o etsang dintho, O e sebetsa jwalo hona jwale.

<sup>53</sup> Mme kamoo A e sebetsang kateng, ha A fetohé mono. Nako le nako, ho haola le Bibebe, ha A fetole tsela ya Hae ya ho etsa dintho. O tswella ka ho tshwana, hobane tsela ya Hae ya pele ya ho e etsa ke tsela e phethahetseng. Hoba, A ke ke a fumana tsela e nngwe, hobane O phethahetse, mme, Yena, ditsela tsa Hae tsohle di phethahetse. Shebang kamoo A e sebeditseng.

<sup>54</sup> Moshe o ne a bitswe mme a tlotsetswa ho nka mosebetsi wona, a neng—a neng a o nkile. Modimo . . .

<sup>55</sup> Jwale, ke nahana, haeba le ka e tshwarela . . . Ha ke e bue ke kgahilela. Ke mpa ke e bua, kalaneng ena, ha ke—ke tsebe letho mme ha ke battle ho tseba letho haese Modimo. Jwale, ke nahana e le hona moo baena ba rona ba Pula ya Hwetla ba dubakaneng teng, wa bona, ba beana matsoho mme ba ba etse baporofeta le dintho. Jwale, ha e kgeme le Mangolo. “Dineo le dipitsa ha di tle ka pako.” O tswalwa o le seo leng sona. Wena, tshimolohong, o seo o leng sona.

<sup>56</sup> Shebang Bafarasi bao matsatsing a fetileng. Ba ne ba ena le hlasenyana ya lesedi, hobane ba kgonne feela . . . ba ne ba ena le molao, mme ba phetse ka molao, empa motsheo tlase pelong tsa bona ba fifetse phifalo.

<sup>57</sup> Mme ho be le mosajana, seotswa, ba hae furl . . . bophelo ba hae ba pele hodimo *mona* bo fifetse phifalo, a le mekgwa e mebe, empa tlase pelong ya hae a reretswe Bophelong.

<sup>58</sup> Mme yareha Jesu, Lentswe, a fihla temeng, Bafarasi bao ba re, “Monna enwa ke Belsebule.” Hoo ha etsang? Ha tima hlasenyana eo ba bileng le yona.

<sup>59</sup> Jesu o itse, “Le bana ba ntata lona, diabolosi, mme le etsa mesebetsi ya hae.”

<sup>60</sup> Empa enere mohla mothwana enwa, ho fihlang mosadi e mobe, mme a bona Lentswe la Modimo, o Le tsebile. O ne a sa Le phele, empa o Le tsebile. Mme hang ha Le bua le yena, a re, “Ke a elellewa hobane O Moporofeta.” Mme Yena . . . O itse, “Ke a tseba Messia o tla etsa sena.”

Mme A re, “Ke Yena.”

<sup>61</sup> Hoo ha etsang? Ha hlwekisa phifalo mme ha e sweufatsa. Hobaneng? Peo e ne e robetse mono, peo e reretsweng pele e neng e le ka . . . E neng e le mohopolo wa Modimo pele ho motheo wa lefatshe.

<sup>62</sup> Sebopoho sa Bophelo Bosafeleng se seng feela. Ha o ena le Bophelo Bosafeleng, o no o le mohopolong wa Modimo le pele lefatshe le botjwa. O thlwana ya mohopolo wa Hae, hobane Bosafeleng ha bo eso qale le jwalo ha bo sa tla fela. O karolo ya moruo wa Modimo, kamehla. E mpa e le ho hadimisa feela. Hajwale e a fetoha. Ba saletswe ke ho hlatswa senepe se le seng, sona ke lefu, ebe seriti se fetoha ntho ya sebele, ebe o kena ka hara Monyaduwa le mmoho le Kreste, kamoo A nahanneng. Jwaleka monna le mosadi, kajeno, ho jwalo (Modimo) Kreste le Kereke ba tla ba bang. Jwale, mokgethwa, ya bitsitsweng!

Moshe o tswetswe e le, “ngwana e motle.” Bibele e itsalo.

<sup>63</sup> E mong wa baporofeta, Jeremia. Modimo o itse, “Le pele o botjwa popelong ya mmao, Ke o beile moporofeta wa setjhaba.”

<sup>64</sup> Johanne Mokolobetsi, kgele, o ne a qohollwe Mangolong. Esaia, dilemo tse makgolo a supileng le leshome le metso e mmedi pele a fihla, o itse, “Ke lentswe la ya howang feelleng, ‘Lokisang tsela ya Morena!’” Mme dilemo tse ka bang makgolo a mane pele A hlaha, re boela re fumana, Malakia a itse, “Bonang Ke rona lenqosa la Ka pele sefahleho sa Ka, ho hleka tsela pela Morena.”

<sup>65</sup> Wa bona, o ne a rerwe pele. Mme ho jwalo le ka diofisi tseo tsohle tsa Modimo, haeba di fela di bitsitswe ke Modimo.

<sup>66</sup> Haeba ba e topetswe ka thuto, e mpa e le kgapanne ya sethuhaki sa kanono, wa bona, e ke ke ya ba letho. Haeba e le tekete ya dijo, e tla ba o rekisa boholo ba hao ka tekete ya dijo, u tla qeka ho itsamaela le mokgatlo kapa sehlopha se itseng. Empa haeba e le ya Modimo, o tla ema Lentsweng leo, ho sa tsottelehe, hoba o tswaletswe ho ema le lona.

<sup>67</sup> Moshe, ha ho mang a na ka nka sebaka sa hae. Ha ho mang ya na ka phetha mosebetsi. O ne a reretswe ho o etsa.

<sup>68</sup> Mme, baena, kgaitsemi, ha o na le Bophelo Bosafeleng, o reretswe ho etsa ntho e itseng. Ekaba malelapa ya kgabane, ekaba ntho e nngwe, empa ha ho motho ya ka nkang sebaka sa hao. Modimo o boloketse sebaka. O se leke wa nka sebaka sa motho e mong. Boo ke bolekisi ba nama, wa bona, bo supa phoso e le teng teng ho wena. E ba seo o leng sona, hantle feela. O se be letho le sele.

<sup>69</sup> Jwale, jwale re fumana Modimo a neile Moshe dipontsho ho kgodisa maipolelo le dipitso.

<sup>70</sup> Mme pontsho e nngwe le e nngwe ya nnete, pontsho e nngwe le e nngwe ya nnete, e rometsweng ke Modimo, yona . . . e latelwa ke puo. Jwale le se hholehe. Ena ke thuto ya ka ya ho qetela mabapi le sena, wa bona. Pontsho e nngwe le e nngwe ya nnete . . . Jwale re na le dipontsho tse sa tsweng ho Modimo; Satane o batla a kgona ho lekisa sohle se leng teng. Empa pontsho ya nnete, e tswang ho Modimo, e salwa morao ke puo ya Modimo.

<sup>71</sup> Modimo o itse ho Moshe, “Ekare ha ba sa dumele puo ya pontsho ya pele, o etse pontsho e nngwe ena pela bona. Mme ekare ha ba sa e utlwe, nka metsi mme o a tsholele fatshe.” Mme e ne e le pontsho e reng ba tla kolobiswa ke madi a bona ka sebele.

<sup>72</sup> Lemohang, mme jwaleka ha A boletse, “Le hlohlore lerole maotong a lona. Sodoma le Gomora di tla dumellwa, tsatsing leo, ho motse oo o le latolang.”

<sup>73</sup> Jwale ha re bapale Kereke. Kereke ke *ena*. Kreste ke Kereke. Re ka ho Kreste. Mmele wa Kreste wa sephiri, re tswallwa ho Wona. Le ke ke la ngodisa ho Wona.

<sup>74</sup> Ke phetse le lelapa la Branham dilemo tse ka bang mashome a mahlano a metso e mehlano, mme ha ba eso nkope ho ngodisa lelapeng. Ke tswetswe ke le Branham.

<sup>75</sup> Mme le wena o fetoha Mokreste jwalo. O tswalwa o le Mokreste, ha o ngodise ho bona. O tswallwa ho bona. Mang le mang o tshaba tswalo. Ba fumane tselana e phollatsi ya ho tsukutla letsoho, kapa ho tekena setlankana, kapa ho hlokohla metsi a nokilweng bohashana ba letswai. Ha se tswalo ntho eo. Tswalo e a nyarosa. Tswalo ke e—ke ntho e tshosang. Ha ke tsotelle haeba e le ka serobeng sa kolobe, kapa e—kapa setaleng, kapa phaposing ya kokelo e kgabileng ka bopinki; tswalo e a nyonyeha, mme le wena e a o silafatsa. Ha o batle ho tela, ha o batle *sena, sane*, kapa se *seng*, empa dikeledi di tla o hlatswa ferefe sefahlehong sa hao di o fetole motho ya fapaneng. Ha o tswalwa labobedi, e tla o silafatsa, empa o tla tswa o le mmopoqua e motjha. Wa bona? Ha ba batle hoo. Ba batla tsela e bonojana, wa tseba, mme ha ho ditsela tse bonojana. Jwaleka sefela seo, o itse, “Ke nka tsela ya bakgeswa ba mmalwa ba Morena.” Ha a batle ho fetoha semela sa ntlwana-motjheso.

Pontsho e nngwe le e nngwe ya Modimo ya nnete e latelwa ke puo ya Modimo.

<sup>76</sup> Jwale ha motho a hlahisa pontsho naheng, leha e le neneng, mme uo a e buang ka mora moo e se Lentswe la Modimo, o mpe o e bee leihlo, o se ke wa e dumela. Ha sekolo se itseng sa kgale, ha motho a ema mme a bua, a hlahisa pontsho e tswang ho Modimo, mme thuto ya monna eo e le yona thutamodimo ya kgale esale le e utlwa dilemong tsena tsohle, hase Modimo o rometseng pontsho eo. Hetla morao Lengolong mme o bone hore e ne e le eng. Batlisisa Lengolo. Thaka leo le a kgutla, mme le itse, “Jwale bohle re batla ho ngodisa ho *sena*. Tsamaiso ena tsitsitse e ne e thewe kgale.” O se ke wa e dumela. Re tla kena ho yona, metsotsong e mmalwa, wa bona. Tjhe, o se ke wa e dumela.

<sup>77</sup> Modimo o netefatsa dipontsho tsa Hae ka mehla. Pontsho e tswang ho Modimo e bua puo ya Modimo kamehla.

<sup>78</sup> Mme ha e le sekolo sa lona sa kgale, hobaneng A ka le hlahisetsa pontsho, athe le se le e fumane? O leka ho le fihlisa khoneng eo. Letshwao la ho ema! Fokotsa lebelo! Sheba moo o tsamayang teng! Ha o sa shebe o tla kodumela khoneng. Ho na le mothinya o bohale, mme pele o ja mothinya wona letshwao le ye le hlahe, ho o thibela ho hlahelwa ke kotsi. Batei ba hlahelwa ba tsela ba hloma matshwao. Mme rona re tsamaya tseleng e yang Kganyeng. Mme ha pontsho eo e ipuela ka ntho ya kgale e tshwanang, ha e tswe ho Modimo.

<sup>79</sup> Modimo o hlahisa dipontsho ho ngoka maikutlo a batho ba Hae. Dipontsho di hlahiswa ho ngoka maikutlo a batho ba Modimo, dipontsho tsa Modimo di jwalo. Dipontsho tsa Modimo di hlahiswa ho ngoka maikutlo a batho ba Modimo.

<sup>80</sup> Jwale mona sehlahlha se tukang e be e le pontsho e ngokang moporofeta, ho leka, hobane moporofeta a ne a balehile Modimo, mme Modimo wa hlahisa pontsho ya sehlahlha

se tukang. Mme yaba o bona pontsho e mohlolo ena; o itse, "Ke tla fapaoha ho bona pontsho e mohlolo ena, haele moo e—e sehlahla se tuka mme se sa tjhe." Jwale Modimo o ngoka maikutlo a moporofeta wa Hae wa mmalehi. A ka be a iphumanetse e mong, empa O kgethetse Moshe mosebetsi mme ha ho mang ya ka tlatsang sekgeo sa hae.

<sup>81</sup> Leetong, mathaka a kile a leka, wa tseba. Ha hlahla Dathane mme a batla ho e fetola mokgatlo. Modimo wa laela Moshe, "Ikarole. Ke tla ba metsa." Wa bona?

<sup>82</sup> Modimo o sebetsa le motho ka bomong. Wa bona? Jwale elellwang sena, O ne a leka ho ngoka maikutlo a moporofeta, ho dudisa moporofeta madulong a hae a nepileng, wa bona, mme O hlahisitse pontsho ya sehlahla se tukang.

<sup>83</sup> Mme, shebang, puo e latetseng pontsho keha e le puo e kgemang le Mangolo. "Ke utlwile mefehelo ya setjhaba sa Ka, le dillo tsa sona, ka baka la batubi ba sona, mme Ke hopotse pallo ya Ka." Amen. Ke phetho. "Ke hopola pallo." E ne e le puo e Mangolong. "Mme ke o roma ke hona ho theoha. Nna Ke theohile ho ba lwela, mme Ke roma wena."

<sup>84</sup> Hopolang, Modimo ha o etse letho haese ka motho. Le tseba seo? Ke sona se kgopang batho. Wa bona?

<sup>85</sup> Ke sona se ba kgopileng ka Jesu. Ba itse, "Wena O leng Motho, o iketsa Modimo." E ne e le Modimo, ba mpa ba sa utlwisise. "Be, Wena, o leng Motho feels."

<sup>86</sup> O itse, "Be, le bitsitse baporofeta, 'medimo,' le ona molao wa lona o a e emela. Mme ha le fela le bitsa bao Lentswe la Modimo le ttileng ho bona, 'medimo,' le Nqosa keng ha Ke ipitsa Mora Modimo?"

<sup>87</sup> Wa bona, dipontsho, ke ho hula maikutlo. Mme, le hopole, ha maikutlo a hulwa, e sa ntse e le tsela ya kgale-kgaleng, ha se Modimo.

<sup>88</sup> Empa jwale Modimo o leka ho hula moporofeta, mme O mo hlahisetsa pontsho, mme puo e hlahlameng pontsho e ne e le e puo e kgemang le Mangolo. "Ke bone setjhaba. Ke utlwile mohoweletso wa sona. Ke hopola pallo ya Ka."

<sup>89</sup> Jwale Modimo o tlio bua ka Lentswe la Hae la pallo. O tshwanela ho roma moporofeta wa Hae, hoba Lentswe le tla ho moporofeta. Bibele e itse, Modimo o boletse, ka Boyena, ho re, "Ha A etse letho pele A senolela bahlanka ba Hae baporofeta." Wa bona? Mme ebe ho hlahiswa pontsho. Mme Lengolo le a tsebiswa, ke yona Puo ya pontsho eo.

<sup>90</sup> Na le bona Puo ya pontsho, ya Moshe? Pele, pontsho e ne e le sehlahla se tukang; Puo e ne e le Lengolo.

<sup>91</sup> Moshe o e nkile e le pontsho ya Hae, mme a theohela Egepeta a hlahisa pontsho eo Modimo a mmoleletseng yona;

mme pontsho e ne e na le puo, mme batho ba dumetse mme ba tswile ke hona. Mme ha feela ba hwanta, ba sebeditse hantle; empa mohla ba qalang ba dumaduma kgahlano le puo, yaba ba ema.

<sup>92</sup> Hopolang, Iseraele e ne e le leetong. Na le tseba bohole e bo tsamaileng? Ba ka be ba... Keha ba le bohole ba dimaele tse mashome a mane feela, mme ba batlile ba qeta dilemo tse mashome a mane. Hobaneng? Hoba ba qadile ba korotla kgahlano le puo e hlahisitseng pontsho. Keha ba sa tsebe le hanyenyane, hore mohla ba neng ba howeletsa tlase mono mabopong, mme ba hobela Moyeng, le Moshe a bina Moyeng, ba bohole ba matsatsi a mmalwa feela. Ba mpa ba qala ho korotla, mme ba batla ho e sebetsa ka ho sele; mme yaba ba qeta dilemo tse mashome a mane lefelleng, mme ba timela ke hona, ke hantle, hoba ba sa ka ba dumela. Modimo wa re, "Ha ba bue kgahlano le wena, Moshe. Ba bua kgahlano le Nna." E ne e le puo ya Modimo eo, e seng Moshe.

<sup>93</sup> Jwale shebang, Jehova o ttilo bua ka Lentswe la Hae la pallo, ka hona O tlameha ho roma baporofeta ba Hae. Hoo, ha le batla ho e bona, ke ho Genese 15:16. Re fumana Modimo a bolella Abrahama, "Peo ya hao e tla jaka naheng e sele, mme Nna ke tla ba ntsha ka letsoho le matla. Bokgopo ba Baamore ha bo ya sa tlo tlale." Hodima ditshepiso tsohle tsa Hae tse A faneng ka tsona, ke enwa O hula moporofeta, ka sehlahlala se tukang.

<sup>94</sup> Jwale hola sehlahlala se tukang se itse, "Moshe, Modimo ke Modimo."

"Eya, ke dumela seo."

<sup>95</sup> "Oh, o sa ntse o sebetsa hantle, Moshe, tshwara jwalo. O nyetse mosajana ya lokileng; ke ngwana e motle. Ehlide o na le moshanyana ya lokileng! Tlotla ho Modimo!" Esale sekolo seo sa kgale. Wa bona?

<sup>96</sup> Empa O ne a leka ho etsa se seng, ka hona A tlameha ho ngoka monna eo. Mme A nea monna eo ho etsa dipontsho tse pedi, mme wa re, "Pontsho e nngwe le e nngwe e ne ena le puo." Hoo ho e paka e le jwalo. Jwale shebang seo dipontsho tseo di se buileng, esita le popo. Jehova o ne a le mothating wa ho bua jwale.

<sup>97</sup> Hape, ho fihla ha moporofeta ke pontsho. Na le tsebile seo? Ho fihla ha moporofeta, mongwaheng, ke pontsho.

<sup>98</sup> Jwale, ha ke bue ka Ngaka ya Kgalalelo. Ha ke bue ka moruti ya tshephahalang, motho ya lokileng. Bao ba itoketsse. Bao ke bahlanka ba Modimo.

<sup>99</sup> Empa moporofeta ke pontsho. Bibele e rialo mona. Mme ke pontsho yang? Ke pontsho ya hore Lentswe la Hae le mothating wa ho phethahatsa, ho phethahatswa ke puo ya pontsho ya moporofeta enwa.

<sup>100</sup> Lemohang, ho fihla ha moporofeta ke pontsho e eletsang ka kahlolo e haufi. Na le tsebile taba eo? Kahlolo e mothating wa ho otla ha moporofeta a le teng naheng.

<sup>101</sup> Hopolang, ruri o tlamehile, pele, ho netefatswa ke Modimo le ke Lentswe la letsatsi leo, mme ebe o hlahisa pontsho. Mme le boele le elellwe pontsho eo, seo a se lepang. O boletse, “Ekare ha se hлаha, le mo utlwе ke hona.” Numere 12:6. “Ekare ha se sa hлаhe, e lebaleng.” Pontsho A e hlahisang eka kgona ebe Mangolong.

<sup>102</sup> Mme pontsho eo A kileng a e hlahisa, ka mohla o mong, haeba e le Yena maobane, kajeno, le ka ho sa feleng, O e hlahisa ka ho tshwana a sa kgaotse. “Lentswe la Morena le tlie ho baporofeta.” Bao e ne e le Lentswe. Mme mohla Jesu a ne a fihla, E ne e le Lentswe. Mme Lentswe le ne le senole mehopolo le merero ya pelo, le sa kgaotse, jwalo le jwalo. Jwale shebang.

<sup>103</sup> Ho fihla ha moporofeta enwa, ho hlahisa pontsho, ya, “kahlolo e haufi,” kamehla.

<sup>104</sup> Ha re emeng metsotsso e mmalwa. Nke ke ka ya halelele. Ha re hlahlobeng ba mmalwa jwale, metsotsso e ka bang leshome. Homme molaetsa wohle, ke rialo, metsotsso e leshome.

<sup>105</sup> Nowe, moporofeta hodima naha—hara naha, pontsho ya kahlolo e tlang. Moshe, moporofeta hara naha, pontsho ya kahlolo e tlang. Elia, moporofeta hara naha, pontsho ya kahlolo e tlang. Johanne, moporofeta hara naha, pontsho ya kahlolo e tlelang Iseraele; ba ne ba kgethutswe ka botlalo.

<sup>106</sup> Lemohang, pontsho! Pontsho e etsang? Pontsho ke ho hapa maikutlo, le ho hlophisa bakgethwa, le ho ba tlosa tseleng pele kahlolo e otla. Ke seo Nowe a se entseng, ho hlophisa bakgethwa. Bao bohle, mme e etsang? Pontsho, le puo ya pontsho, di ahlola mosadumele mme di mo hlophisetsa kahlolo. E hlophisetsa mokgethwa fera ya ho phonyoha. Ke seo pontsho e leng sona. Dipontsho di hlahisetswa morero oo, kahlolo e tla latela. Ho bakgethwa, ba e bona.

<sup>107</sup> Jwaleka mosajana ya pelo e hlwekileng, mme mmele o silafetse; le Mofarasi ya mmele o hlwekileng, mme pelo yona e silafetse. E ahlots e mong, mme e pholosa e mong.

<sup>108</sup> Mme tsona dikahlolo tse bolokileng Moshe, di ahlots lefatshe; theroyaa hae.

<sup>109</sup> E hlophisa mokgethwa. Mokgethwa o itokiseditseng? Ha ba bona pontsho e rometsweng ke Modimo, ba sheba morao Lengolong ho bona na e tlameha ho etsahala. “Eya, ke ena moo e leng teng.” Keng? Kahlolo e lopaletseng. Ebe mokgethwa o mamela puo.

<sup>110</sup> Empa ba sa kgethwang ba hlokomoloha, mme ba itse, “Mepoto. Tswelang pele! Re tla inkela tsamaiso ya kgale.” Wa

bona? Ba e entse matsatsing a Luther. Ba e entse matsatsing a Wesley. Le jwalo ba—ba e etsa hona jwale, ba nnile ba etsa jwalo.

<sup>111</sup> Empa ke pontsho, mme e na le puo e salang pontsho morao. Mme puo e pakwa e le puo e kgemang le Lengolo. Jwale le se lebale taba eo. Jwale le se phetse ho nna le e kwenya, hoba nka tshoha ke sa hlole ke le bona hape.

<sup>112</sup> Eka nka ba le mokgwa wa ho kgutlela mona kae-kae mme ke phuthe baena ba ka bohole, haeba ba sa tshwarana le ditsoseletso, ke hlome tente mme ke itulele, letsatsi ka mora letsatsi, le ho e ruta hofihlela—hofihlela e thophothetse ka nnene. Empa A ke ke a e dumela, ha ke kgolwe. Wa bona, re atametse bofelo haholo. Ke dumela re le qetellong hantle hona jwale.

<sup>113</sup> Ka bukeng ya ka mono, eo ke e ngotseng. Ka 1933, hoseng ho hong, ha ke itokisetsa ho ya sekolong sa Sontaha, sekolo sa Sontaha sa Baptise moo ke neng ke le modisa, Moya o Halalelang wa na wa tla wa mpontsha ho fihla kwana tlase bofelong ba nako, mme wa mpontsha dintho tse supileng tse tla hlaha. Ka di tshwaya ka di ngola. E ngotswe hodima leqephe la kgale le lesehla.

<sup>114</sup> Wa mpolella ka nepo kamoo Jeremane e tla haha Lerako la Siegfried, le kamoo Maamerika a tla fekiswa pela lona, dilemo tse leshome le motso o le mong le pele lona—lona lerako le hahuwa.

<sup>115</sup> Ho bolela kamoo Mussolini a tla hlaha, le kamoo a tla ya Ethiopia, le kamoo Ethiopia e tla “kgehlemana mehlaleng ya hae.” Mme o tla shwa ka dihlong, a kanamisitswe, mme setjhaba sa hae se tla mo tshwela ka mathe.

<sup>116</sup> Mme ka re, “Ho na le mekga e meraro; Bokomonisi, Bofasime, le Bonazi. Tsohle di tla tswa Rashiya, di kene ho Bokomonisi.” Mme bo tla timetsa Bokatoliki. Bonang haeba bo sa etse jwalo!

<sup>117</sup> Ka re, “Tswelopele e tla hatela pele habohloko!” Ka re, “Ke bona makoloi a tshwana le lehe, a theosa seterateng. Ho na le makoloi a tsamayang mebileng, a laolwa ke mokgwa o itseng, ha ba tlameha ho e sotha. Ke bone lelapa la Maamerika le bapala dikarete ka mora koloi.” Ba na le koloi eo hona jwale, hola feela ba ena le mebila ho e tsamaisa. Volkswagen e nyenyane ke lehe le phethahetseng, hantle feela, le makoloi a mang a jwalo. Na le ka nahana, ka 1933, makoloi a ne a le jwang, papisong le jwale?

<sup>118</sup> Mme Ya boela ya lepa, hore, ka ho dumella basadi ho vouta, le seo ba tla se etsa. Le kamoo nahaa ena, e leng papiso, ya Iseraele, e keneng naheng e leleka baahi ba yona, mme ya hapa lefatshe. Mme marena a bona a pele, Davida le Solomone,

e le marena a tshabang Modimo. Haisa-isa, ha fihla Akabe temeng. Ba mo voutela ka hare. Setulo se tla ba...kereke ya apara lefatshe. Mme, re bile le Lincoln le Washington, shebang kajeno keng. Shebang moo re yang teng jwale. Ntho e latelang e kae? Re nakong ya qetelo.

<sup>119</sup> Mme ke pontsho, tlhahong, hantle feela. E hlophisa mokgethwa; mme e ahlola, e dihela kahlolo, hodima mosadumele.

<sup>120</sup> “Moporofeta enwa ha e fela e le moporofeta wa nnete, mme se a se buang se etsahala,” Bibebe e boletse, ho Numere 12:6, “le utlwe temoso ya hae, hoba e pakilwe e se monna eo.” E—e moporofeta ke motho. Empa puo e tswang pontshong e mohlolo ke puo ya Mangolo, e netefaditswe, ka hona ke temoso.

<sup>121</sup> Bibebe e ngotswe ke baporofeta, hopolang. Ho Petrose wa Bobedi, hape, 1:21. Ho Baheberu 1:1, hape.

<sup>122</sup> Topallo ya Mollo, ho Moshe, e ne e le pontsho, ya puo e tla bua. Topallo ya Mollo e supile puo e tla bua. Ke pontsho eo, Topallo ya Mollo. Lona batho ting le tlamehile ho e hopola ho tswa kwana Houston, nakwana e fetileng.

<sup>123</sup> Moshe, moporofeta, pontsho ho Iseraele, pallo e ne e le mothating wa ho phethahatswa. Mohla Moshe a theohang mme a hlahisa pontsho ya moporofeta, ba tsebile hona hoo o tla ba phutha mmoho.

<sup>124</sup> Lentswe la Modimo le phethile hakakang tsamaisong ya lona, le a tshwana nako le nako. Esita le jwaleka ha ke buile maobane bosiu, kamoo Urime le Thammime, le ntho tsohle, esaleng di arabelana le Modimo kateng.

<sup>125</sup> Ha re boeleng re nke moporofeta, nakwana feela, Jonase. Mona ke ne ke ngotse kgaolo ya 1 ya Jonase, kgaolo ya 1 mona ya boporofeta ba hae. Jonase ya tswileng mpeng ya leruarua, e ne e le pontsho. Wa bona, batho bao e be e le bahetene. Ba ne ba rapela medimo ya lewatle, mme modimo wa bona wa lewatle e le leruarua.

<sup>126</sup> Jwale boholo ba batho bo leka ho ahlola Jonase. Esale ke emela Jonase. Jonase o ne a sa fapoha tsela ya Morena. “Maoto a ba lokileng a laolwa ke Morena.” Re batla ho re, “Motho eo ke Jonase.” Empa ha re e nkeng ho latela...boleng ba yona, hang ka nako. Kea tseba o na tlamehile ho ya Ninive, empa Modimo wa mo dumella ho nka sekepe seo sa Tarshishe. Mme A tsosa moferefere hodima lewatle.

<sup>127</sup> Jonase o itse, “Ntlameng matsoho le maoto. Ke nna ya mathateng, ya a tsositseng.” Mme ba mo lahlela ntle. Mme yaba hlapi e hlapang metsing, hlapi e kgolo ya kometsa Jonase. Kea tseba mahlale a thatafallwa ho e dumela.

<sup>128</sup> Ha se kgale haholo mona, kwana Louisville, Kentucky, dilemo tse ka bang leshome tse fetileng, keha ba rapaladitse

e—e leruarua hodima e—e koloyana e sephara. Mme mono ho eme Ricky e monyenyan, a batla a sa kgone ho laola bohlale ba hae bo phophomang. A leka ho buisa Bibele leshano. A re, “Wa tseba, le tlwaetse ditshomo tseo tsa kgale tsa Bibele, ho thwe leruarua le kwentse Jonase.” A re, “Shebang, o ke ke wa fetisa bolo mmetsong wa lona, o ne o le monyenyanahaholo. Monna ya hodileng o na ka kena jwang mpeng ya lona?” Ho re, “Wa bona, e mpa e le ditshomo tsa kgale, etswe Bibele e tletsetsona.”

<sup>129</sup> Polelo eo ya hlaha ya sitisa mohopolo wa ka—wa ka. Ka re, “Monghadi, ke rata ho tshwaela mono.”

Ho re, “O batla ho reng?”

<sup>130</sup> Ka re, “Wa bona, ha o a bala Bibele hantle.” Ka re, “Bibebe e tlalehile lena e le leruarua le ikgethang. ‘Yaba Modimo o lokisa hlapi e kgolo.’ Lena le ne le bopilwe ka ho ikgetha, ho mo kwenya ka lona, le mo dumelitse ho etsa jwalo! E ne e se hlapi ya tlwaelo. Modimo o no o le mothating wa ho etsa mosebetsi o sa tlwaelehang, ka hona A iphumanela hlapi e sa tlwaelehang.” Wa bona? Ha a ka a hlola a bua letho ka yona. Ka baka leo, yona, Modimo wa na wa hlophisa ntho e ikgethileng.

<sup>131</sup> Jwaleka ngwanana e monyenyan, ka mohla o mong, o ne a tswa tabernakeleng; moriri wa hae o kametswe morao, mme o le boleya, o hutse sefahleho sa hae eka eiye e ebotsweng. Feela a kgwaetse Bibele, a theoha.

<sup>132</sup> Leqheku lena le bitswang Jim Dorsey le ne le dula Utica. Yena e le mohetene, lesole la kgale, mme—mme a sa dumele ho Modimo. Mme a re, “O ya kae, mofumahatsana?”

A re, “Ke ya hae, monghadi.”

Ho re, “O kgwaetseng tlasa sephaka sa hao?”

A re, “Ke Bibele.”

Ho re, “Ha o e dumele, ha ke re?” Mme a . . .

Ho re, “E, ke a e dumela, monghadi.”

<sup>133</sup> Le ho re, “Na o dumela pale e ka mono ya leruarua le kometsang Jonase?”

Ho re, “Kgele, ehlile, ke dumela Lentswe ka leng la yona.”

<sup>134</sup> A re, “O ka e paka jwang ntle le ka tumelo, seo le se bitsang tumelo?”

“Kgele,” a rialo, “mohla ke fihlang Lehodimong, ke tla botsa Jonase.” Wa bona?

A re, “Haeba a le siyo mono teng?”

<sup>135</sup> A re, “Wena o tla tlameha ho mmotsa he?” Ka e hopola e le tlhahiso e otlollang eo. Ke dumela e batla e le nnete.

<sup>136</sup> Le hojane Bibele e itse Jonase o kwentse lerusua, ke ne ke tla e dumela. A ka e hlophisa jwalo. Seo Modimo a se buileng, Modimo o kgona ho se phetha, mme O boloka Lentswe la Hae kamehla. Ka baka leo, Jonase, re iqabola ka yena . . .

<sup>137</sup> Empa na le kile la elellwa hlapi ha e hlapa? E tsoma dijotsa yona. Mme ha e ja, e theohela botebong mme e phomotsa diphwana tsa yona botebong. Ako fepe hlatswana ya hao mme o shebe se etsahalang. Di tlatsa dimpana tsa tsona, ebe di a theoha di phuthulle diphwana tsa tsona botebong, mme di ithoballe mono di iketle.

<sup>138</sup> Be, hlapihadi ena e hlophilweng e tlie mme ya kometsa moporofeta enwa. Mme ya theohela botebong ba lewatle, mohlomong botebo ba ditekanyo tse mashome a mane tlase mono. Ya theohela tlase-tlase, ho iphomolela botebong ba lewatle.

<sup>139</sup> Jwale re tlwaetse ho nahana ka Jonase. Mme mang le mang o re, “Jwale ke rapeletswe, empa letsoho la ka ha le a ntlaufala. Ke rapeletswe, empa ha ke ikutlwé ke ntlaufetse.” O se hlole o hlodiya Jonase.

<sup>140</sup> Jwale shebang matshwao a na mo dikile. Jwale, taba ya pele, o ne a le lewatleng la difefo, mme a fapohile tsela eo Modimo a mo laetseng yona. Matsoho a hae le maoto di tlamilwe. A lahlelwa sefefong, lewatleng le befileng, mme yaba lerusua le mo kometsa le theohela botebong ba lewatle. Mme a kudupana hara mahlatsa, mpeng ya lerusua, mahola a lewatle a ikgarile molaleng wa hae. Mme enereha a sheba ka *mona*, e le mpa ya lerusua. Enereha a sheba ka nqa *yane*, e le mpa ya lerusua. Hohle moo a shebang, e le mpa ya lerusua. Le bua ka ditshupo tsa matshwao, a ne a hlile a mo teetse hare. Empa na le tseba seo a se buileng? O itse, “Wohle ke mafeela a thetsang. Ha ke sa tla hlola ke a tadima, empa hang hape ke tla tadima tempele ya Hao e halalelang.”

<sup>141</sup> Hobo, Salomone, monna wa nama lefatsheng, yena ya rapetseng mohla kgakolo ya tempele, o itse, “Morena, etlere ha setjhaba sa Hao se le mathateng kae feela, mme se tadima tempele e halalelang ena, ako utlwé o le Lehodimong.”

<sup>142</sup> Mme Jonase o dumetse seo Salomone a se rapetseng. Mme Modimo wa mo lwela ho lerusua, ka mora matsatsi a mararo le masiu. Mohlomong A kenya tente ya oksejene ka mono. Ha ke tsebe seo A se entseng, empa A mmaballa a phetse matsatsi a mararo le masiu, ho latela Lentswe. Mme Lentswe le nepile.

<sup>143</sup> Be, efela ha Jonase, tlasa maemo ao, a ka boela a tadima tabernakele e ahilweng ke motho, nna le wena re tlamehile hakae, bosiung bona, ho sheba Tempele moo Jesu a emeng letsohong le letona la Boholo, ka Madi a Hae ka Sebele, ho re buella maipolelong a rona, hodima dipontsho tsa matshwaonyana a rona! Le se ke la ahlola Jonase, ebe le sheba

se phoso ka lona. Shebang tshepiso, “Modimo o itsalo!” Ha le fela le le bana ba Abrahama, “Modimo o itsalo!” O entse tshepiso, mme ke phetho.

<sup>144</sup> Lemohang, batho bohole ba tswile ho tshwasa dihlapi, mme ba hula matlowa a bona le dintho. Ka mora nakwana, ho nyoloha modimo wa lewatile, leruarua, a titimela lebopong. Motho mang le mang a hlaba ka mangole a hae. Modimo o tseba mokgwa wa ho sebetsa dintho. Mme a fihla hantle lebopong mme a leketlisa leleme la hae, mme, hoba a etse, moporofeta ke enwa a tswa molomong wa leruarua a itsamaela. Moporofeta! Modimo wa hlatsetsa moporofeta hantle lebopong. Ha re makale ba bile ba baka. Wa bona?

<sup>145</sup> Eo e ne e le pontsho. Jonase ya lokollwang ke leruarua, e ne e le pontsho. O ile a etsang? E ne e le pontsho e tswang ho Modimo. Puo e buile e reng? “Bakang kapa le timele, matsatsing a mashome a mane.” Pontsho ya Modimo; puo ya Modimo! Kamehla, Modimo ha o romela pontsho, Modimo o romela puo ya Hae e latelang pontsho eo. Lemohang, “Bakang, ho seng jwalo motse wohle o tla timela matsatsing a mashome a mane.”

<sup>146</sup> Johanne moporofeta ya hlahang lefatsheng, ka mora dilemo tse makgolo a mane moporofeta a le siyo; pontsho e fihlang ka mora dilemo tse makgolo a mane, ya ho hlaha ha hae. Nakwana e morearea eo!

<sup>147</sup> Jwale ha o le motho wa moyo o tla tshwara seo ke se buang. Modimo a ke a bule kutlwisiso ya lona. Ebile nako e kae!

<sup>148</sup> Dilemo tse makgolo a mane, Iseraele e hloka moporofeta, dikereke di se di tshophahane, mme yaba Johanne o fihla sebaeng. Johanne e ne e le moporofeta, pontsho ya hobane ka mora hae ho tla bua Messiah. Shebang. Hobane, Malakia 3 e boletse, “Ke tla roma Lenqosa la Ka pela sefahleho sa Ka, ho lokisa tsela, ho lokisa batho.”

<sup>149</sup> Shebang Johanne, ya sa rwalang boitshepo. A sa ipatlele tlottle ya letho. Ba lekile ho mmitsa Messiah; a mpa a re, “Ha kea tshwanela le ho lokolla dieta tsa Hae.”

<sup>150</sup> Empa hang mohla Jesu a ne a hlaha, O ne a ena le pontsho, Topallo ya Mollo, Lesedi hodima Hae, eka leeba le theohang mme lentswe le re, “Enwa ke Mora wa Ka, Eo Ke kgahliswang ke yena.”

<sup>151</sup> Le lemohe, mme kapele Johanne o itse, “Eka kgona A phahame. Nna ke bobe.” A neela Kereke ho Kreste. Amen.

<sup>152</sup> Re a bolellwa, matsatsing a qetelo, e tla boela e ipheta! Ho tla fihla Molaetsa, o tla tsebisa Messiah ho batho. Mme ho tla ba jwalo, ba tla ema ba pompetse jwaloka mohlamonene. O e tshepisitse. Kgaolo e latelang ya Mattheu, ya Malakia, e re bolella ka yona. Shebang.

<sup>153</sup> Ba kile ba e botsisisa. Semelo sa Johanne se mo tsebisitse a ena le moya wa Elia. Jwale elang baporofeta ba babedi bao hloko.

<sup>154</sup> Jwale, Elia ke monna ya hlahileng mehleng ya Iseraele, mehleng ya maqakabetsi.

<sup>155</sup> Akabe e ne e le morena. Mme basadi bohle ba itlotlolotse ba latetse Jesebele, mme mohlomong ba kutilemekuto e bokopa le dintho tsohle, mokana re fumana kajeno. Mme bohle ba setse Jesebele morao. Mme baruti ba re ka ho bona, “Ho itoketse. Ba tloheleng. Ba tloheleng ba e etse.”

<sup>156</sup> Mme mehleng eo, Modimo wa hlahisa monna ya tswang lefeelleng, ya bitswang Elia. Ha re tsebe le moo a tswang teng. A se na sekolo se mo tjhaellang monwana. Empa a hlaha, mme a ahlola udu-udu eo yohle. A ahlola tsamaiso yohle.

<sup>157</sup> Hola a ka fihla temeng, kajeno, a ka boela a ahlola tsamaiso ya rona hape.

<sup>158</sup> A ahlola Jesebele e mong le e mong. Mme taba eo, qetellong, ke yena a bileng a tepeletsa moporofeta. A matha a tswa, jwaleka Johanne; a robala tlasa sefate sa junipere mohla Jesebele a batlang ho mmolaya. A mo hloile.

<sup>159</sup> Mme re fumana Johanne mohla a fihlang, a boetse a tswa lefeelleng, a rata lefeella, a tshwere molaetsa o tobang le basadi ba sejwale ba hladilweng mme ba nyetse, ba boetse ba nyetswe, a kgethula ketso eo dikoto. A sa tswe sekolong sefe. A tswa ho Modimo, monna ya romilweng ke Modimo. Mme a ahlola basadi ba sejwale, a ema ka thata kgahlano le bona, mme a sa honyetse mantswe. A mpa a bua phatlalatsa a re, “Nako e haufi, Messia o tla bua.” E shebeng.

<sup>160</sup> Jwale bapisang mehla ya ho hlaha ha Elia kgetlo la pele le ba bang ba baporofeta bana ba mehla ya kajeno, ba dumellang boJesebele ba bona ho poma moriri wa bona, le ho apara dishotso, ho tsuba disakrete, sohle se ba batlang ho se etsa, ba ba hulanya hohle. A mpe a se bue letho, o tla mo hlala, a iphumanele e mong. Ho ba hulanya ka ditumelwana tse entsweng ke motho; ke dihlong, dithuto tsa motho. Mme, ka ho etsa jwalo, ba fetola melao ya Modimo ntho e se nang matla, hoba ba ka ngodisa kerekeng ba ntse ba ipolela e le Bakreste, mme ba ipolokele ditokelo tsa bona ba ipitse Bakreste, mme ba tswele pele. Ke seo ba se batlang. Ba entse jwalo mohlang oo.

<sup>161</sup> Empa, le hopole, ke nakong e kang eo, kamoo Modimo a tshepisitseng ho Malakia 4, hore O tla boela a phethahatsa Lentswe. Ke hantle. Tsadimang moo re leng teng kajeno, jwaloka mehleng ya Johanne, jwaloka mehleng e meng yohle.

<sup>162</sup> Tadimang Amose e monyenyanne enwa ya hlahang, thaka la kgale le sa tsebisahaleng. Ha re tsebe le moo a tswang teng.

E ne e le modisa. Modimo o ne a mo lata makgulong a dinku le makgulong a makgomo, mme, mme wa mo kwetlisa. Mme eitse ha a fihla Samaria, mme a mohla a ne a hlwa a nyoloha leralla leo tsatsing leo, a nyarela tlase mono. Mme letsatsi leo le phatsima hloohong ya hae e lefatla, mme matshwala a le maputswa, le mahlo a hae a tsepame a tshwedima. A tabanya mahlo a hae a halalelang, e se ka baka la ponahalo eo bahahlaudi ba e bonang ha ba kena ho wona, kahobane motse ohle o ne o inehetse sebeng.

<sup>163</sup> Mothwana enwa, ya sa tsejweng ke mang? E, ke Amose, moporofeta. O porofetile matsatsing a Jeroboame wa Bobedi, morena wa molotsana, a tlohetse batho ho etsa kahohle. Ho akg a le baprista ka hare. Ba ne ba hahile dikereke tse majabajaba. Ba apere ka bokgabane. Boitshwaro ba basadi ba bona bo nyonyeha. Ba apara kahohle ba batlang. Bahahlaudi ba qhobellana ka makgalo wohle, ho boha banana ba batle le maitshwaro a bona.

<sup>164</sup> Ke U.S.A. e nngwe ya mehla ya jwale, eo ho thweng ke setjhaba sa Modimo. Ha ho mang ya buang letho ka yona. E bonahala e fupere batho. Fif-...

<sup>165</sup> E se e le dilemo tse leshome le metso e robedi jwale, kajeno! Dilemo tsa Rebeka wa ka di leshome le metso e robedi, kajeno. Dilemo tse leshome le metso e robedi, esale ke parola naha ena, ke ahlola dintho tsena. Mme ha ke boyo, selemo ka mora selemo, basadi ba pommeng moriri ba eketsehile ho feta mohla ke galang.

<sup>166</sup> Moreri e moholo, ya tummeng wa Pentekosta o na nkenye phaposing, ekaba selemo e etsahetse, ya motle, ya tsejwang, monna ya tsejwang lefatshe ka bophara. A re ke... “Moena Branham, e re ke o bee matsoho ke o rapelle.”

Ka re, “Ha ke kule.”

<sup>167</sup> A re, “Empa phoso e teng.” A re, “Moena Branham, o tla senya tshebetso ya hao ya lenseswe. Ha ho motho ya tla sebetsa mmoho. Ha re makale bareri ba sa sebetse mmoho le wena; ke ka moo o ahlolang basadi bao kateng.”

A re, “Batho bao ba o bitsa moporofeta.”

Ka re, “Ha ke eso ipitse jwalo.”

<sup>168</sup> A re, “Empa ba o nka o le yena.” A re, “Le nna ke dumela jwalo.” A re, “O bileditswe ho rapella bakudi.” A re, “Ako rapelle bakudi hle, mme o tlohele basadi bao. O thonkga maikutlo a bona.”

Ka re, “Jwang?”

<sup>169</sup> A re, “Ha o re ba poma moriri wa bona le dintho tse jwalo.”

Ka re, “Ho phoso.”

<sup>170</sup> Bibele e itse, “Mosadi ya—ya kutang moriri wa hae, monna wa hae o na le tokelo ya ho mo lahla hlalong.” Ka tshwanelo. “O tlololla hlooho ya hae.” Ke seo Bibele e se buileng. Jwale ha ke tsebe le a e rata kapa tjhe, empa ke seo Bibele e se buileng, ho Bakorinthe ba Pele.

<sup>171</sup> [Sekgeo lebanteng—Mong.] . . . ho ikgamola hofihlela letlalo tswetse ka ntle. Mme ebe ba—ba tla, ba re, “Kgele, Mohlomphehi Branham, ke ona feela mofuta wa diphahlo tse ba di rekisang.”

<sup>172</sup> Ba sa ntse ba ena le dintho le matjhini a rokang. Boitatolo ha bo yo. Basadi ba Maamishi le ba Madunkard ba sa ntse ba e apara. Ehlide. [Phutheho e opa mahofi—Mong.]

Mme ho etsahalang? Ba tswela ka ntle mono mme ba itshware jwalo.

<sup>173</sup> Mosadi o na re, “Be, Mohlomphehi Branham, ha ke apare dishoto. Ke apara s— . . .” Ke ding, pedal pu— . . . [Moena o re, “Dibemuda.”—Mong.] Eya. Ho re, “Nna ke apara tsona.”

<sup>174</sup> Ka re, “Di tshabeha le ho feta.” Ka re, “Bibele e re, ‘Ke manyala ha mosadi a apara seaparo se kang sa monna.’” Mme Dinaha tse Kopaneng tsena di shebahala di silafetse hakae jwale! Wa bona? Ke hantle.

<sup>175</sup> Ha nke ke o boelle, kgaitseidi. O ka hlweka sa mohaladitwe, ho monna wa hao kapa mohlankana wa hao, empa ka Letsatsi la Kahlolo o tla arabela bofebe. Jesu o itse, “Ya shebang mosadi, ho mo lakatsa, o se a mo febile.” Ha moetsadibe eo a o shebile, mme o tla tlameha ho arabela ka Letsatsi la Kahlolo. O ipepeseditse yena. Iponele e le wena. Uh-huh.

<sup>176</sup> Hobaneng mosadi wa morapedi a ka batla ho apara jwalo? Ebe o itlaleha o ena le Moya o Halalelang kahobane o buile ka dipuo mme o mathetse hodimo-le-tlase mokatong? Hoo, etswe, ke bone bahetene ba etsa jwalo, Mahotenoto. Moya o Halalelang ke hlweko, kgalalelo, e sa silafalang. Ruri.

<sup>177</sup> Monna enwa o itse, “Haeba o le . . . Ba o dumela o le moporofeta. Hobaneng o sa ba rute ho amohela dineo tse kgolo tsa moyo, le mokgwa wa ho etsetsa Modimo dintho? Hobaneng o sa ba rute tse jwalo ha o le moporofeta?”

<sup>178</sup> Ka re, “Nka hla ka ba ruta algebra e thata athe ha ba tsebe ABC tsa bona?” Le tseba seo ABC e se bolelang? Dumela Kreste kamehla. Uh-huh. O tla e etsa jwang? Wa bona, o batla ho hlwella hodimo *mane*, sebakeng sa ho qala tlase *mona*.

<sup>179</sup> Modimo o tla haha Kereke ya Hae hodima motheo wa Jesu Kreste, mme hoo ke Bibele. Ka ntle ho moo, mobu ohle ke mahlabathe a tebang. Modimo ha o fetohe. Semelo sa Hae ha se fetohe.

<sup>180</sup> O bopile basadi ba fapane le monna, le monna a fapane le basadi. O ba apesitse ka ho fapana, mme o ba batla ba dutse jwalo. Wa bona? Basadi ba batla ho tshwana le monna, le monna o batla ho tshwana le basadi. Oh, kgidi! Kgopamiso ya tonana! Ke... Mme ntho yohle, e bonahala e tshwasitse batho, mme ha o ka ke wa e fetola. Eka kgodumodumo ya tonana, botsho bo teteaneng; haeba le utlwisia ke bua kang, moyeng. Ba tshwasitswe ke kgodumodumo, mme ba—ba ha ba kgone ho itshwasolla ho yona; Hollywood e ngata, thelebishe e ngata, kgahla-kgahla ya masawana a mang. Sohle sa rona se silafetse. Ha ho makatse, “Ekare ha mosebetsi o sa kgaolwe hakgutshwane, ka baka la Bakgethwa, ha ho nama e tla bolokeha.”

<sup>181</sup> O itse, “Ke ne ke sa tsebe taba eo.” Be, jwale o a e tseba, ho tloha jwale. Wa bona? Hoo... Nka mpa ka kgaotsa. Ha re kgutleleng morao. Lemohang.

<sup>182</sup> Johanne e ne e le pontsho. Mme le hopole seo, kamoo Modimo a e sebeditseng kgetlo la pele, O tla boela a e sebetsa jwalo. O tshepisitse jwalo. Jwale, Modimo ha o eso sebedise sehlopha sa batho, nakong efe, nthong e kang eo.

<sup>183</sup> Hopolang, ho kile ha hlaha sehlopha, seo, monna e moholo ya bitswang Akabe, o ile a inkela e... a inkela baporofeta ba makgolo a mane ba Baiseraele. Jwale, bao e ne e se baporofeta ba bahetene. Baporofeta ba makgolo a mane ba Baiseraele. Bohle ba ruile digarata tsa bona le ntho tsohle, ba e na le sekolo se seholo.

<sup>184</sup> Ho be le monna wa morapedi ya bitswang Josafate, yena e le morena wa Juda, mme a theoha. Mme ke hona moo modumedi a dubakanang le mosadumele. Dintho tsa tsamaya ka lekeke.

<sup>185</sup> Mme a re, “Ramothe-Gileade.” Jwale elang sena hloko, ka moo e ka nepahalang kateng. O itse, “Ramothe-Gileade ke lefa la rona, hodimo mono. Dihlabeng tseo tsa naha e kahodimo, ke lefa la rona.” Joshua, mohla a na a arola mafatshe, o le abetse Iseraele. Mme Bafilista, bahetene, ba tlide ba le hapa ho bona. A re, “Ke lefa la rona.”

<sup>186</sup> Jwale shebang jwang, ho latela motheo, batho ba ka nepa mme ba E fose. Ka tshwanelo e ne e le lefa la Iseraele. Empa dipallo tsohle tsa Modimo, moena, di hodima dipeelo, wa bona, “Haeba ba tsamaya pela Morena.”

<sup>187</sup> Jwale shebang mona. O itse, “Ana o tla nyoloha le nna, mme o nthuse ho kgutlisa lefatshe leo? Be, leo, Bafilista bao ba fepa dimpa tsa bana ba bona koo, ka koro ya Iseraele.” Ho latela Lengolo e nepahetse. A re, “Nthuse ho nyoloha mme re ba tshware.”

<sup>188</sup> Ho re, “Be, kgele...” Mono o entse phoso e mahlonoko. “Makoloi a ka a ntwa ke a hao, banna ba ka ke ba hao. Ke tla tsamaya le wena.”

<sup>189</sup> Mme yaba Josafate o qala a nahana, wa tseba. “Utlwa mona, na re ke ke ra botsa Morena pele re tloha?”

<sup>190</sup> “Oh, ehlide,” Akabe a rialo, “ruri. Uh-huh. Ntshwarele. Ke—ke tlamehile ke be ke hopotse hoo.”

“Ha ho sa na moporofeta sebakeng se seng?”

<sup>191</sup> “Oh, ehlide. Ke na le—ke na le e—e seminari e tlsetseng bona tlase mona, ke ba kgabane ka ho fetisa o kileng wa ba bona. Bohle ba apara diaparo tse kgabane. Ke baithuti ba bentshitweng ba maemo. Ke ba rutile, ho fihla mokong. Re tla ya ba lata.”

<sup>192</sup> Ka hona ba theohela mono. Mme ba ba phutha mmoho. E ne e se baikaketsi. Ba rapela mme ba rapela mme ba rapela, hofihlela ba bone pono.

<sup>193</sup> Yaba ba nyoloha. Mme e mong wa bona iketsetsa dinakahadi tse pedi tsa tshepe. A re, “Ka tsena o tla thula Bafilista, kapa e—e Basiria, o ba ntshe naheng.” A re, “HO RIALO MORENA. Nyoloha, Morena o na le wena.” E mong le e mong wa bona, ka hona, ba le kgopolو e nngwe, ba kena moyeng. Baporofeta ba Israele ba re, “Nyoloha, Morena o na le wena.” O re, na e kgema le Lengolo? “Modimo o neile batho lefa lena, mme sera se le hapile. Le na le tokelo ho ya le hapa.”

Jwale, Pentekosta, ke batla le ithute taba mona.

<sup>194</sup> Empa, Josafate, ka ho ba monna wa morapedi, a re, “Phoso e sa le teng.” Ho re, “Ha le sa na e mong hape?”

<sup>195</sup> “E mong hape, athe mona ho eme makgolo a mane a baporofeta ba kwetlehileng?” Bongata bo lekanang le bo dutseng tlase mona mokatong. “Ba le kgopolو e nngwe, ba re, ‘HO RIALO MORENA.’ E buseng, mme ba re, ‘Ke Joshua ya re abetseng lefatshe leo. Ke la rona. Eyang le le hape!’”

<sup>196</sup> Empa Josafate a batla e mong. Ho re, “Ha le sa na e mong eo re ka botsang Morena ka yena?”

<sup>197</sup> A re, “Oh, e mong o sa le teng, empa,” ho re, “ke mo hloile.” Uh-huh, uh-huh. Ho re, “Ke Mikea, mora Imla.” Ho re, “Ke mo hloile. Ha a phetse ho bolela bobo ka nna.”

Ho re, “Morena a se ke a rialo. Eyang le mo late.”

<sup>198</sup> Yaba ba romela dititimi teng. Mme bang ba bona ba re, “Jwale, Mikea, ke batla ho o bolella taba. Jwale, wa tseba ba o hlakotse, -cated selekaneng, nakwana e fetileng, hoba ha o kgaotse ho nna o bolella batho bobo. Jwale ha o batla ho kgutlela selekaneng, o be ntswe leng le bona, mme, oh, ba tla o otetsa tlasa diphuka tsa bona.”

<sup>199</sup> Empa athe e ne e le moporofeta wa nnete. O itse, “Ka Morena Modimo o phelang, ke tla bua feela seo Modimo a se

beang molong wa ka.” Oh! Modimo a hlohonolofatse monna eo. O itse, “Emang hofihlela bosiu bona, mme ke tla bona Morena o mpolellang.”

<sup>200</sup> Hoseng ho hlahlamang, ha thwe, “Nyolohang, empa ke bone Iseraele e hasane eka dinku tse se nang modisa.” Yaba o nka pono ya hae o e bapisa le seo Elia a se buileng, se hlahetseng Akabe. Na ebe A ka hlohonolofatsa se rohakilweng? Ho sa tsotelle ke ha kae . . .

<sup>201</sup> Rona re setjhaba sa borapedi. Kereke ya Pentekosta, Baptise, le Methodise, le tse ding jwalo, ke kereke ya Bokreste, empa o ka hlohonolofatsa se rohakilweng ke Modimo jwang? Ha ke tsotelle, o re, “Ke—ke ngodisitse ho *sena*. Ke entse *sena*.” Ha e amane le yona ka letho. Sheba seo o se entseng. Shebang Pentekosta, ka moo ba lahletseng marapo. Shebang seo le kileng la ba sona, mme le shebe seo le leng sona jwale. Ha re makale, ha mahlo, ha mahlo a foufetse.

<sup>202</sup> Yaba yena, Akabe, e . . . Moprista enwa a mo jabela molomo. Mme a re, “Mo hlahleleng,” mme Akabe a re, “mo hlahleleng tjhankaneng e lefifi. Mohla ke boyang ka kgotso, ke tla sebetsa thaka lena.”

<sup>203</sup> O itse, “Ha o ka boyo, Modimo ha o a buisana le nna.” Huh-huh? Wa bona? Moporofeta e ne e le eo, pontsho e ne e le eo; puo ya Hae e ne e le eo. Mme, ho hana ho e utlwa, ho dihetse kahlolo.

<sup>204</sup> Moya o Halalelang ke moporofeta wa rona kajeno. Ana o hana ho utlwa Puo ya Hae? O tsebisitswe ka Lengolong, ha thwe O tla etsa dintho tsena. Jesu Kreste, ka sebopeho sa Moya o Halalelang!

<sup>205</sup> Modimo wa sebetsa ka monna a le mong enwa. Sena, Modimo ha o sebetse ka dihlopha; ke motho a le mong. Elia e ne e se sehlopha. Johanne e ne e se sehlopha. Bao e ne e se sehlopha kapa phutheho ya bodumedi, kapa mang hara bona. Empa bobedi boo bo ahlots e tse jwalo. Ke hantle. Johanne o itse, “Le se ke la re Abrahama ke ntata rona. Modimo o ka tsosetsa Abrahama bana le ka majwe ana.”

<sup>206</sup> Mme pontsho ya nako ya qetelo e tla fuwa Puo ya nako ya qetelo. Mme pontsho ya nako ya qetelo e tla hlaha ho latela se lepilweng ka hara Bibele. Mme Puo ya nako ya qetelo, e hlahlamang pontsho ya nako ya qetelo, di tla be di kgema le Lengolo ka nepahalo, e tla be e le Lengolo le tshepisitsweng.

<sup>207</sup> Jwale re badile seo pontsho ya nako ya qetelo e tla ba sona ho Luka 17, yona e tla itshwanela le mohla Sodoma, tshepiso. Mme re fumana Sodoma nameng, hobaneng re sa dumele hore pontsho ya moyo e teng mona? Ha o ka bona Mangolo, hape, Luka 17 ke pontsho, mme Malakia 4 ke Puo. Pontsho ya tshwana le mohla Modimo o bonahetseng ka nama, a tseba

makunutu a pelo; mme Puo ya Malakia 4 ebile ho sokolla batho ditumelwaneng tsa bona, ho kgutlela Tumelong ya bontate. Ke yona pontsho eo.

<sup>208</sup> Wa tseba keng? Jwale ke a kwala. Ka tlwaelo dipontsho di a amohelwa, ehlide; empa, puo yona, oh, le kgale. Puo e hlahlamang pontsho, ha ba batle ho amana le yona. E.

<sup>209</sup> Pontsho ya Jesu, jwaleka Messia, ho fodisa bakudi, ba e amohetse. Empa tsatsi le leng O itse, “Nna le Ntate re Bang.”

<sup>210</sup> Oh, kgidi, puo eo ha e a ka ya amohelwa. Ba itse, “O Iketsa Modimo, ya lekanang le Modimo.”

O itse, “Nna ke Mora Modimo.”

<sup>211</sup> “Oh, kgele, Modimo o ka ba le Mora jwang? Wa bona, le kgale Modimo ha o na Mora!”

<sup>212</sup> Empa, wa bona, ba dumetse e—e pontsho, bakudi ba ka fodiswa, mme, oh, hoo keha ho babatseha, keha ho itoketse. Empa mohla puo e fihlang, ba hanne ho dumela puo. Ba entseng? Ba Mo ntsheditse ntle.

<sup>213</sup> Mme na le a tseba keng? Bibele e a re borella, kgaolong ya 3 ya Tshenolo, ho Mongwaha wa Kereke ena ya Laodisea, ho thwe O tla tshwarwa jwalo. O ne a le ka ntle ho kereke. Leo ke Lentswe le bonahaditsweng. E ne e le Lentswe le bonahaditsweng. E sa ntse e le Lentswe le bonahaditsweng.

<sup>214</sup> Haeba le kgona ho dumela pontsho ya Sodoma, ya Luka, haeba le kgona ho dumela hoo, horeng le sa amohele Puo ya Malakia 4? Wa bona, horeng o sa e etse, wena? E ka netefatswa. Tsela e le nngwe e ka netefatswang ka yona ke... Pontsho e ka pakwa, empa le tshwanetse ho amohela Puo.

<sup>215</sup> Moshe o na rongwe ho theoha, ka tlhaho, mme a fuwa pontsho ya moyo le ho biletsha batho pallong ya bontate.

<sup>216</sup> Malakia 4 o lokela ho busetsa batho “Morao Tumelong ya bontate.” Oh, kgutlelang, oho lona difofu le ba hasaneng, habo lona!

<sup>217</sup> Ho kwaleng, ke tla bua sena, hlahiso ena ya ho qetela. Moporofeta o buile, “Lesedi le tla tjhaba nakong ya mantsiboya.” Shebang, o itse, “E tla ba letsatsi le le leng ho ke keng ha thwe ke motsheare kapa bosiu.” Jwale mamelang. Ke a kwala. “E tla ba letsatsi le le leng...” E re e thophothele ka botebo, mme Modimo a ke a e bee pelong e nngwe le e nngwe ya karolo ena ya setjhaba, bosiusing bona, ka odotoriamong ena. Moporofeta o buile, “E tla ba letsatsi le le leng le ke keng la bitswa motsheare kapa bosiu, le batlang le rothofetse, pula e na, letsatsi le mohudi. Empa,” ha thwe, “nakong ya mantsiboya, Lesedi le tla tjhaba.”

<sup>218</sup> Jwale, le hopole, ka mehla letsatsi le tjhaba Botjhabela mme le habile bophirimela. Tswelopele esale e latetse letsatsi.

Le tseba seo. Mme, le lemohe, lona letsatsi le tjhabang Botjhabela ke lona letsatsi le dikelang Bophirimela. Jwale, esale tswelopele e tsamaya e ipapisitse le letsatsi ka nepahalo, ho fihlela jwale Botjhabela le Bophirimela di kopane. Re Lebopong la Bophirimela; Botjhabela le Bophirimela.

<sup>219</sup> Mme, le hopole, Evangelie e haotse ka ho tshwana. E hlahile Botjhabela, ho fihla ha Jesu Kreste, M-o-r-a, e seng l-e-t-s-a-t-s-i. M-o-r-a, Mora wa Modimo, o hlahile Botjhabela, bathong ba Botjhabela.

<sup>220</sup> Mme jwale ho kile ha fihla letsatsi la mohla batho ba ngodisitseng kerekeng, ba iketsetsa phutheho ya bodumedi, lesedi le lekanang ho bona feela, “Be, re tla iketsetsa kereke. Re tla haha *sena*. Re tla haha sekolo. Re tla haha kokelo. Re tla rupella. Re tla etsa seminari.” Ba fumana feela lesedi le lekanang ho etsa tse jwalo.

<sup>221</sup> Empa, le hopole, Bibebe e boletse, moporofeta wa Morena, ka Bibeleng, e leng HO RIALO MORENA, “Lona letsatsi le tjhabileng Botjhabela le tla boela le tjhaba Bophirimela, nakong ya mantisboya. Lesedi le tla tjhaba nakong ya mantisboya.”

<sup>222</sup> O ne a tla etsang? Hoo ho phethahatsa hantle seo A se buileng ho Luka kgaolo ya 17. “Nakong ya qetelo, mohla Mora motho a senolwang mokana A na le Botjhabela, yena Mora ya phatsimang, wona Matla ao, wona Moya o Halalelang, Ntho e tshwanang e sebetsang ka ho tshwana. Lesedi le tla tjhaba nakong ya mantisboya.”

<sup>223</sup> Lona letsatsi le haotseng; yena M-o-r-a ya haotseng; ya theohang a tswa Botjhabela, ho Pauluse; a tshethemela Jeremeane, ho Martin Luther; a boela a tshethema, kgulong ya Hae e latelang; le ho tloha moo ho ya Engelane, ho John Wesley; a tshethema a tshela Lewatle la Atlantiki, ho ya Dinaheng tse Kopaneng, ho ya ho Pentekosta; mme jwale Pentekosta e qhephile e timme, mme re Lebopong.

<sup>224</sup> E nngwe le e nngwe ya tsona, e bopile phutheho ya bodumedi, jwaleka ha ba entse tshimolohong, ho bopa mokgatlo oo Modimo a o rohakileng. Pentekosta, le tsohle, di entse jwalo.

<sup>225</sup> Empa O itse, “Lesedi le tla tjhaba nakong ya mantisboya. Pontsho e tla hlaha nakong ya mantisboya.” Le se E fose, metswallie. Le se E fose. Jwale, yena Mora eo o tla tjhabisa Lesedi lona leo. L-e-t-s-a-t-s-i le fana ka lesedi le tshwanang la l-e-t-s-a-t-s-i. Yena M-o-r-a eo o tjhabisa lona Lesedi le tshwanang la M-o-r-a.

<sup>226</sup> Jwale, eo ha se polelo ya ka. Motho mang le mang mona, ya tsebang Bibebe e rialo, phahamisang matsoho a lona. [Phutheho e re, “Amen.”—Mong.] Ke hantle haholo.

<sup>227</sup> Jwale, le ka kgona, ho ho lona. Ho dumela Mora Modimo, Jesu Kreste, o kgonne, ha a shwa. O a phela. O ikokobeditse, o ithobile. Esale A dutse a le jwalo. Mokgwa wa ho nyoloha ke ho theoha. Ikokobetseng, suthang menahanong ya seteisele, mme le dumele Morena Jesu. Sheba pontsho, o ntano dumela Puo. Kgutlelang, oho lona ba qhalaneng, habo lona!

Ha re inamiseng dihlooho tsa rona.

<sup>228</sup> “Mme ekare ha ba sa dumele Puo ya pontsho ya pele, letsohong, jwaloka Moshe, o hlahise pontsho ya bobedi. Ettere, ha ba sa dumele pontsho ena, o kge metsi (metsi a lekanya bophelo) a lewatle kapa a bodiba, o a tsholele fatshe, a tle a fetohé madi.”

<sup>229</sup> Ntate ya Mahodimong, nako e tsamaile habohloko jwale, empa O tshepisitse Lesedi le tla tjhaba ya mantsiboya. Dumella Puo ya Evangedi ya rona ho thophothela ka botebo dipelong tsa batho, ba sa ntse ba E nahanisisa mme ba e hlahlobisa ka Lentswe.

<sup>230</sup> Hlohonolofatsa setjhaba sena, Morena. Hlohonolofatsa batho bana. Ho ba bona ba dutse mona, ba lapile, bana ba batho esaleng ba rahakwa mme ba tlatlapuwa, le *sena*, ho tseba hore Satane o entse hoo ho ba foufaletsa ntho eo mohla E fihlang mono. E re bona, bosius bona, ka kgopolو e le nngwe, ba dumele Jesu Kreste, ba dumele tshepiso ya Hae, hore O tsohile bafung.

<sup>231</sup> O boletse, “Mora motho o tla hlaha, ka nako eo ba sa e lebellang.”

<sup>232</sup> Hantle mohla kereke e fumaneng, e ruileng matsebe-tsebe a tjhelete, e haha meaho ya dimilione tsa didolara. Ba ka be ba itoketse, Ntate, ke a kgolwa, hola ba eme motsheo kwana koung, ba tiletsa e—moropana, ba tshwere katiba ka letsoho, le moropa oo wa kgale o emeng eka Salvation Army, ho ena le ho dula ka hara dimoshara tse kgolo tsena bosius bona, ba leka ho ipapisa le lefatshe, “Ba nang le sebopetho sa borapedi, mme ba latola Matla a jona.”

<sup>233</sup> Ako etse, Morena, bosius bona, hang hape, Morena; jwaleka Samsone ha a howeeditse, “Hang hape, Morena, hang hape.” Ho ke ho tsejwe hobane O Kreste, Mora Modimo; yena maobane, kajeno le ka ho sa feleng. Mme ako Iponahatse hara rona, ba tle ba bone pontsho, mohlomong ba tla dumela Puo. Lebakeng lena, ke kopa ka Lebitso la Jesu Kreste. Amen.

<sup>234</sup> Re tlilo thea mola wa thapelo, ka potlako ruri. Ke bona ehlide e le nako jwale ya ho qhalana ha rona. Empa hare tshwareng mola wa thapelo, molana wa thapelo feelsa, re nto qala hosasane.

<sup>235</sup> Kajeno o ntshitse ditlankana tsa thapelo. Ka baka leo, re aba ditlankana tsa thapelo letsatsi ka leng, mang le mang a tle

a fuwe monyetla wa ho tla, ke nako e hlollang. Ha le fodieswe, ke ho ema moleng wa thapelo. Mang le mang o a tseba, kopanong e nngwe le e nngwe, ka ntle ka mono ho fodieswa ba bangata ho feta ba fodieswang hodimo mona, wa bona, ka mehla. Moya o Halalelang ke motlalahohle. O mpa a leka ho fumana badumedi feela, ke phetho, bao A ka ba fumanang.

<sup>236</sup> Ho ntshitswe ditlankana tsa thapelo tsa P, jwaleka Pauluse. Rona, moo re neng re le teng . . . Be, ha re ba bitseng ho qala ka nngwe. Nngwe, pedi, tharo, nne, hlano, tshelela, supa, robedi, robong, leshome, ba emiseng ka *mona*, ka kopo. Setlankana sa bona sa thapelo ke P, jwaleka Pauluse, nngwe ho fihla ho leshome, emang ka letsohong *lena*, ha o kgona ho ema. Ha o sa kgone, re tla fumana motho ho o thusa. Leshome; nngwe, pedi, tharo, nne, hlano, tshelela, supa, robedi . . . Ho lokile, ba babedi hape. Robedi, robong, leshome, ho lokile. Leshome ho fihla ho leshome le hlano, leshome ho fihla ho leshome le hlano, ba bahlano hape. Leshome le hlano ho fihla ho mashome a mabedi, emang ke tle ke bone hore le a ema; P, leshome le hlano ho fihla ho mashome a mabedi. Mashome a mabedi ho fihla ho mashome a mabedi le hlano. Ha re boneng jwale, moo le leng teng. Jwale phutheho yohle e imamele ka hlompho e tiileng, metsotsso e mmalwa feela. Mono ke setlankana sa thapelo sa P, nngwe ho fihla ho mashome a mabedi le hlano. Ha se yona? Mashome a mabedi le hlano, nngwe ho fihla ho mashome a mabedi le hlano.

<sup>237</sup> Jwale e mong le e mong a mamele ka hlompho e tiileng. Isang ho Modimo tshabo eo, le e lebise Molaetseng. Le tlamehile jwalo ho Modimo, ho lebella motsotsotso le ho nahantisisa.

<sup>238</sup> Jwale ke a kgolwa ba ntse ba hlophisa batho. Hoo ha ho . . . Haeba ba tshwere setlankana sa thapelo, mme ba sa ema moleng, ba tla fumana; ba tla mpolella metsotsong e mmalwa, mme ke moo ba tlang ho . . . re tla bona haeba motho a sa utlwe ditsebeng kapa e le motho ya sa kgoneng.

<sup>239</sup> Ha ke ba tsebe moo ba leng teng, metswalle, ditlankana tseo tsa thapelo. Moshanya o ye a theohele kwano . . . [Moena Branham o botsa motho kalaneng, "Di ntshitswe ke mang? Ke wena, kapa Billy? Billy?" — Mong.] Ha a theoha, o dubakanya ditlankana tseo, pontsheng ya lona batho, a nto le nea setlankana sa thapelo; o ye a theoha, a le laele bohle ho dula fatshe, a le fe setlankana sa thapelo. Wa bona? Ha ke ba tsebe moo ba leng teng. Esale ke leka ho nyollela ngwana enwa mona, wa bona. Mme, ba bang, ha ke—ke ba tsebe, ke—ke ha ho mokgwa ho nna ho tseba seo. Ke kgolwa Modimo a e rera kamoo A e rerileng kateng.

<sup>240</sup> Jwale, jwale lona ba bang bohle, ba se nang setlankana sa thapelo. Phahamisa letsoho la hao, o re, "Ha ke na setlankana sa thapelo, empa ke a kula." Phahamisa letsoho la hao, hohle

ka mohahong. Ha ke tsotelle moo o leng teng, phahamisa la hao... Be, ha ho batho ba bangata mona he, jwale. Be, ha ho le jwalo, ho rapella mola wa thapelo ha ho holelele hosane. Ho na le ba ka bang mashome a mabedi ka mona, ntle le ba emeng mona, e leng ba kulang.

<sup>241</sup> Ke botle. Ke thabela ho le bona le e amohela jwalo. Le bile le tumelo ho feta kamoo ke le hopoletse kateng, mohlomong. Wa bona? Wa bona? Haeba le amohetse phodiso ya lona, le lahletse ditlankana tsa lona kwana, Modimo a le hlohonolofatse. Ke tumelo ya sebele ya makgonthe eo. Ha le a bewa matsoho ke motho; le beile matsoho a lona hodima Kreste.

<sup>242</sup> Jwale mona bosiung bona, lona ba sa tlo kena moleng wa thapelo, na le dumela pale ena. Jwaleka mosadi ya amileng moseho wa seaparo sa Hae, mme A retoloha mme a lemoha hobane o Mo amile, ba ba kae ba hopolang pale eo? Ehlide, le a kgona bo.

<sup>243</sup> Jwale na le dumela seo, Yena, Bibele e boletse ho Baheberu 4, ho re, “Ke Moprista e Moholo, hona jwale, ya ke keng a sitwa ho angwa ke maikutlo a mahlomola a rona”? [Phutheho e re, “Amen.”—Mong.] Be, haeba esale Yena maobane, kajeno, le ka ho sa feleng, ana A ke ke a sebetsa ka ho tshwana? [“Amen.”] Na ha A e etsa, bosiu ka mora bosiu, mona? [“Amen.”] Ba Mo boneng a e etsa le dikopanong tse ding ba ba kae? Emang feela. [“Amen.”] Ehlide. Wa bona? Lefatshe ho pota! O a tseba, O tseba tsbole ka lona.

<sup>244</sup> Jwale le bona seo ke lekang ho se etsa. Ba utlwisisang seo ke lekang hore le se etse ba ba kae? Wa bona? Ke batla lona, ntle le ho bewa matsoho, ke batla lona, jwaloka sesebediswa sa makgonthe sa Modimo, le re, “Jesu Kreste, ke a O dumela. Jwale ke O amohela o le mofodisi wa ka. Jwale ke O amohela o le Mopholosi wa ka. Ke e dumela ka pelo yohle ya ka, mosebetsi oo o phethilwe.” O nto itshwarella tshepisong eo, tiisetsa maipolelong a hao o tswelepe ka wona. Sheba se etsahalang. Wa bona? Sheba se etsahalang. Wa bona? Jwale ke sona seo ke lekang le se etse, tsela e nepahetseng eo re tlamehileng ho dumela ka yona.

<sup>245</sup> O itseng? [Motho o re, “Nne le leshome le metso e robong.”—Mong.] Palo ya nne, setlankana sa thapelo sa palo ya nne, le sa palo ya leshome le robong, ha di yo. Setlankana sa thapelo sa nne. Sheba motho e mong; shebang ditlankana tsa moahisane wa hao. Setlankana sa thapelo sa palo ya nne le sa leshome le robong. Ke hantle, motsotswana feela, be butleng. Wa bona, haeba ke sa mmitse, ke tilo qosetswa yona, wa bona. Ho thweng? Ho thweng? [“Nne”] Le fumane nne? Le reng ka robo... Leshome le robong ha e yo le jwale. Ho thweng? [“Le nne.”] Setlankana sa thapelo sa nne ha se eso kene le

jwale, kapa sa leshome le robong. Haeba motho a tshwere ditlankana tseo, ha o ka kena moleng. Kapa, shebang, wa bona, e ka ba...na ho na le...Na lesea lee le tshwere setlankana? Hlahlobang, ha se...Ha se yona palo eo. Na mofumahadi enwa *mona* o na le setlankana, setulong sa bakudi? Hlahlobang palo ya hae. Na ke yona—na ke yona palo ya hae eo? Mofumahadi ya hodima moalo, huh? Ba se fumane. Bao, jwale ba kene kaofela. Ke bottle. Ho lokile. Jwale—jwale, ho lona batho ba tshwereng setlankana sa thapelo, di tshwareng. Re tilo le sebeletsa, ka mohahu wa Modimo.

<sup>246</sup> Jwale, metswalie, erekaha bona e le bosiu ba rona ba qetelo, hosane ke thapama ya Sontaha, ha re ikgutsetseng. Jwale suthisa ho se dumele ka hong ho wena le mohopolo ka mong—mong o sa tsebisahaleng, mme o lahlele fatshe, mme o hate ka leoto la hao, kamoo neng ho le kateng. E re, “Morena Jesu, ke tilo dumela ho Wena.” Ba ba kae ba tla etsa jwalo? [Phutheho e re, “Amen.”—Mong.] Ke a le leboha. Modimo a le hlohonolofatse.

<sup>247</sup> Jwale ho se be le motho ya tsamayang. Dulang le kgutsitse, mme le dumele. Tadimang ka mona, mme jwale le shebe.

<sup>248</sup> Boitsebiso ba Modimo esale e le ho tseba, ho kgona ho bona se hlahileng esale pele, le ho bolela se bileng teng, kamoo se leng kateng, kapa se tlang ho hlahla. Re tseba seo. Baporofeta ba tsebilwe jwalo. Jesu o tsebilwe jwalo e le Messiah. Mme kajeno esale yena Messiah e beng e le Yena mohlang oo, feela mmele wa hae wa nama ha o yo mona hodima lefatshe. O boetse o rometse Moya wa Hae ho sebedisa mmele wa hao, mmele wa ka. Jwale, mohlomong o ke ke wa kgona ho etsa sena. Re a tseba, Lengolong, ho fumanwa a le mong molokong. Empa, bonang, empa o ka e dumela, mme di teng dintho tseo o ka di etsang, e mong le e mong.

<sup>249</sup> Hola menwana ya ka e ka etsa qeto, kaha e se leihlo la ka, ha e sa tla ba monwana wa ka? Hola sephaka sena se ka re, “Ha ke sa tla hlola ke phahama, haeba ke se leihlo, kapa tsebe, ha ke sa tla ba sephaka”? Kgele, mmele wa ka o ka holofala.

Eba seo Modimo a o beileng ho ba sona.

<sup>250</sup> Ke ha kae ke tsota Oral Roberts, Billy Graham, Tommy Osborn!

<sup>251</sup> Bang ba banna bao ba kena mono mme ba re, “Thoriso ho Modimo! E dumeleng!” Tumelo ya tonana. Ba tlohe ba ikele, ba tswe mono ba ntse ba hlasimolohile hlasimoloho.

<sup>252</sup> Billy Graham o ema ka molaetsa, mme o bua le batho metsotso e mmalwa, ho re, “Etsang qeto ya lona; tloong aletareng.” Ho ema mono feela, a sa nke kgato e nngwe hape.

O itse, “Ha ho le jwalo hobaneng wena o etsa jwalo, Billy?”

<sup>253</sup> Ho re, “Molaetsa wa ka o tswile. O tswa ho Modimo.” Ke hantle.

<sup>254</sup> O kerekeng eo ya Sodoma, ke sona se lokela ho hlaha. Lebitso la hae le fellka h-a-m ho tswa ho Abraham, dihlaku tse tsheletseng; Abrahama e ne e le tse supileng. Na le bona moromuwa eo wa kereke eo, tlase mono Babilona? Ruri. Ha ho motho ya sikileng molaetsa oo wa pako naheng, se ka Billy Graham. O ema mono. A tlohe a ikele, a yo itjella nama ya seteiki a ithoballe, a nwe lebese la motla-o-tutswe. Hoo ho itoketse.

<sup>255</sup> Mme wena o tlameha ho ema o lwantsha batemona! Ka mohla o mong mane Long Beach, nna le Moena Jack... Ntatao o na eme mono.

<sup>256</sup> Mme mono keha ho eme Mongh. Fuller, Charles Fuller, moena ya kgabane, a eme mono a rera. Mme ka mono ho dutse batho ba dikete tse pedi kapa tse tharo thapama eo. Ra dula ra mamela tshebeletso ya hae. E le ha ke rentile odotoriamo, ke tla mo latela. Mme a ema mono a hlahisa puo e kgabane. Mme a re, “O teng mona ya batlang ho amohela Kreste?” Yaba ho theoha batho ba babedi kapa ba bararo ho hlohonolofatsa masea a bona. Mosadi e mong a re o batla ho e amohela. Yaba o nyoloha a hlahisa thapelo e nyenyane, e mong wa batikone, a kgutla a dula fatshe. Ho tsukutla matsoho, ho retoloha mme a itswela. Sehlopha sa hae se bohlale, se apereng ka bokgabane, sa tswa mono se tsamaya.

<sup>257</sup> Sa ke sena se tla se kena, mahlanya, ditulo tsa bakudi, difofu, ba shweleng ditho, ba omeletseng ditho, ba harotsweng. Ha tumelo ya hao e tlameha ho tjamelana le tse jwalo!

<sup>258</sup> Jwale mona, ke tlalehile Kreste e le eng? Mme jwale ba sa dumeleng ba dutse ka mathoko, ba batla ho fumana phoso e le nngwe, wa bona, ho leka feela ho fumana phoso e le nngwe.

<sup>259</sup> Hopolang, ha se kgale haholo mona kwana Toronto, mohla re emeng mono re rera, re rapella bakudi. Ka nna ka utlwa moyo o hlollang; o dutse letsohong le letshehadi la ka. Ka nna ka o bea leihlo. Teng ho dutse monna, yena a lefilwe ke sehlopha se itseng ho kena mono ho ntoya ka boloi. A lemaletse ho etela diahelo tsa sesole mme a kgasise masole ka matsoho a bona mme a bohole jwaleka dintja, le dintho tse jwalo; boloi. Ka utlwa moyo o kgopo oo. Ke sa tsebe moo o tswang teng. Ka nna ka sheba. Ka bona seriti se setsho seo. Ka ema metsotsi e mmalwa. Ka re, “Wena ngwana Satane, hobaneng diabolosi a sirile mohopolo wa hao nthong e kang eo? Erekaha o tlide ho phephetsa Modimo, ho qhokola Moya wa Modimo, ba tla o ntsha mona ba o jere.” A hla a shwa ditho a dutse mono setulong sa hae mme le jwale o sa shwele ditho. Wa bona?

<sup>260</sup> Ha re bapale kereke. Ba ba kae ba kileng ba etela dikopano mme ba bona ho etswa dintho tseo, na le tseba dintho tse hlahileng? Ehlide. Ke hantle. Hopolang, e bang—bang le tshabo.

Jwale mona ke fumana, ke a kgolwa, motho wa pele. Na ho jwalo?

<sup>261</sup> Jwale, wa bona, ke rerile, ho le bolella ka tshwanelo se tlamehang ho hlaha letsatsing lena. Jwale eo ke pontsho, ha e ka etsahala. Pontsho e ne e le jwalo, le dumele Puo e latelang pontsho he. Wa bona?

<sup>262</sup> Jwale mosadi ke enwa. Ka nepahalo, ho lona baeti, ena ke Mohalaledi Johanne 4, moo Morena wa rona Jesu a kopaneng le mosadi sedibeng. Ba eso kopane pele, bophelong, mme O boleletse mosadi bothata ba hae. Mme a lemoha e le Messia. Na le tseba pale? Ke ena hape, monna le mosadi ba kopana. Jwale ha se mosadi eo, ha ke Monna eo, empa esale Modimo oo. Wa bona? Jwale, Jesu o itse, “Mesebetsi eo Ke e etsang le lona le tla e etsa,” Mohalaledi Johanne 14:12.

<sup>263</sup> Jwale, mofumahadi, ha ke o tsebe, ha ke na mohopolohore o emetseng mono. E ka ba mathata a lelapa. E ka ba o emetse motho e mong. Mohlomong o a kula. Mohlomong ke... Mohlomong o eme mono, o lekisa ho hong. Haeba ho le jwalo, ako fumane se etsahalang. Wa bona? Mohlomong o ntse o etsisa ntho e nngwe. E ka bang eng, ha ke... E ka ba o modumedi wa sebele. Seo ha ke se tsebe, empa e le Modimo. Empa o tla tseba ha A o boleletse nnete kapa tjhe, ha ke re? Haeba e le nnete, o tla e tseba.

<sup>264</sup> Jwale, wa bona, ke seo tumelo ya hao e tlamehang ho se etsa. Na o ka rata ho tla kwano? Jwale haeba motho a dumela e le phoso, ako tle kwano o nke mokudi enwa, tloo kwano o ba nke kaofela. Ha o sa etse, o se ke wa nkahlola. Wa bona?

<sup>265</sup> Jwale sheba mona, kgaitsemi, motsotsi feela. Jwale ha ke na mohopolohore letho, le letho ka wena. O mpa o le mosadi ya emeng mono.

<sup>266</sup> Jwale ha Morena Jesu Kreste, Mora Modimo, Eo ke mo pakileng ka Bibele, o tshepisitse ho kgutla matsatsing a qetelo mme a Itshenole ka bottlalo ba Moya wa Hae.

<sup>267</sup> Jwaleka Kereke e nyolohang; e nyoloha eka motho, ho tloha tlase maotong, ho ya diropeng, ho ya hloohong, mme hlooho ke hlooho ya mmele. Mme Mmele o nyolohile, o qadile ka Kereke ya pele, ho tla hantle o nyoloha, ka ntho ena, dihlabollong, esale o nyoloha hofihlela jwale. O tlie ka tokafatso, kgalaletso, kolobetso ya Moya o Halalelang. Jwale Hlooho (Kreste) ya tlang Mmeleng, Mmele wa Kreste. Ke Yena Ya tsebang. Letsoho la ka ha le kgone ho nka kgato, haese ka hlooho ya ka. Empa ke Yena Ya tsebang, ke ka hona E leng Lentswe.

<sup>268</sup> Nna ha ke Lentswe. Ke motho. Empa, wa bona, O sebedisa mmele wona. Hobane, O shwetse ho halaletsa mmele wona, A tle a o sebedise, mme o abile neo. Eka ho ntsha ntho gereng, ebe Moya o Halalelang o nka taolo.

<sup>269</sup> Hape, ha A ka hlalosa kapa a bolela seo o se entseng, seo o leng mona ka sona, kapa letho ka wena, o tla e dumela. Mme na le mokgupi o tla dumela ka ho tshwana? [Phutheho e re, "Amen."—Mong.] Morena Modimo a ke a e abe.

<sup>270</sup> Jwale ke bea moya o mong le o mong, ka mona, tlasa taolo ya ka, bakeng sa tlotslo ya Modimo. Jwale le dule le kgutsitse. Le se ke la phethesela.

<sup>271</sup> Sheba mona, nakwana feela. "Ntadime," jwaleka Petrose le Johanne ba buile, mohla ba fetang kgorong. Ka mantswe a mang, ela seo ke se buang hloko. Wa bona?

Jesu o ne a botse mosadi eo dipotso tse mmalwa. "Mphe metsi."

<sup>272</sup> Wa bona, esale ke rera, ka ho tshwana. Ntate o nthomile hodimo mona e—Baton Rouge. Ke mona.

<sup>273</sup> Ntate O na re o hloka ho feta le Samaria. A dula mono. Wa pele ya tlileng ho Yena e le mosadi. O entse pontsho e le nngwe eo ho mosadi eo, mme motse ohle wa baka. E ka ba phapang e kae...

<sup>274</sup> Le nahane, holane A etsa ntho eo, bosius bona, le nahana Baton Rouge yohle e ka baka? Ke a belaela, le lona ha ke re? Ruri ke etsa jwalo. Empa re matsatsing a qetelo, mohla bokgopo bo atileng ho feta ka moo bokgopo bo kileng ba tsejwa.

<sup>275</sup> Jwale maemo a hao. O mona ho rapellwa. Hantle haholo. Mme o jewa ke maemo a mmetso. Haeba e le nnete, phahamisa letsoho la hao. Ha se ho fela, empa o ntse o rapella motho e mong. Ke ngwana, mme ngwana eo o jewa ke maemo a mmetso. Mme ke maemo a mmetso wa ngwana, ke dihlahala tse hlahleng mmetsong. O a dumela Modimo o tla mo fodisa, le yena? Sakatuku e letsohong la hao eo, o e phahamiseditseng ho Modimo, ke paki. O se ke wa e belaela jwale. Eya o bee sakatuku eo hodima ngwana. O se belaele, ka pelo ya hao yohle. Modimo o tla le fodisa bobedi ba lona a le phekole. [Kgaitsei o re, "A ke a bokwe! Alleluia!"—Mong.] Na o ka etsa jwalo? ["Jesu! Ke a O leboha, Jesu!"] O ka ikela he, mme Morena a be le wena. ["Kganya ho Modimo! Alleluia!"]

O phela jwang? Le rona ha re tsebane, hape.

<sup>276</sup> Le a dumela? [Phutheho e re, "Amen."—Mong.] Ke pontsho eo. Jwale Puo, ke ena, "Kgutlelang Lentsweng!"

<sup>277</sup> Ha ke o tsebe; Yena o a kgona. Ha A ka mpolella taba ka wena, o tla dumela Lentswe leo ke sa tswa le bolela le tla

netefatswa? Ke yona e—e netefatso ya Lona. Wa bona? Ke itse O e entse; hoo ke ho boporofeta. Jwale efela ha boporofeta bo phethahala, ke moo A itseng, “Le bo utlwe.”

<sup>278</sup> O jewa ke maemo a tlokileng a methapo, methapo. Mme o na le hlahala, mme hlahala e momong wa hao. Ke hantle, ha ke re? [Kgaitsedi o re, “E.”—Mong.] Jwale o a dumela na? [“E, monghadi.”] Tloha o ikele, mme o dumele. Mme, o tla etsetswa, ka moo o dumetseng.

<sup>279</sup> O phela jwang? Ha ke o tsebe, empa Modimo o a o tseba. O a dumela Modimo a ka mpolella mathata a hao? Ntadime. O na le mathata. Empa mona o emetse motho, mme yena o hotse le wena. Ke kgaitsedi. Ke hantle. Jwale o a dumela Modimo a ka mpolella bothata ba kgaitsedi ya hao? O tla e amohela? O jewa ke pelo. Ke hantle. O a dumela o tilo fodiswa jwale? Ha ho le jwalo, ho latela tumelo ya hao, o etsetswe jwalo.

<sup>280</sup> Tloo, mofumahadi. O phela jwang? Ha Modimo o ka mpolella bothata ba hao, kapa se o se entseng, kapa ho hong, na se tla etsa o dumele? O a tseba hore ke a . . . Ha ke—ke—ke o tsebe. E tla be e le semelo sa Hae se Itsebisang ka ho nna, ho latela Lentswe leo A le tshepisitseng. [Kgaitsedi o re, “Ke tlameha feela ho e dumela.”—Mong.] O dumela seo? [“E. Amen.”]

<sup>281</sup> Wena o e mong, o kgathatswa ke mathata a mosadi wa dilemo tsa hao, empa mohopolo wa hao o moholo ke motho e mong. Takatso ya hao ho Modimo; Modimo ha o mmattlele molemong wa hao, empa ke molemong wa motho e mong, ke monna. Ke monna wa hao. Mme o jewa ke pelo. O a dumela O tla . . . Modimo o tla mo fodisa? Eya, o e dumele. Mme, kamoo o dumetseng, o tla etsetswa.

<sup>282</sup> Jwale, wa bona, theroyohle, hora eo ke e rerileng. Yona, e ka bang eng, ho se ho fetile batho ba babedi kapa ba bararo, jwale ke batla ke sa kgone ho ema mona. Wa bona? Wa bona, letshwele lohle eka le le sowana, hohle mona. Wa bona? Jesu o itse, “Matla a tswile ho Nna.” Mme efela ha mosadi a le mong, a ama seaparo sa Hae, a ntshitse matla ho Yena, mme Yena e leng Mora Modimo; ho ka thweng ka nna, moetsadibe ya bolokehileng ka mohau wa Hae?

<sup>283</sup> O itse, “Dintho tseo Ke di etsang le lona le tla di etsa. Le tla etsa tse *ngata* ho tsena.” Ke a tseba phetolelo ya King James e re tse, “kgolo.” Empa ha le ka nka phetolelo ya mantlha, ho itswe, “Le tla etsa tse *ngata* ho tsena.” Ha ho motho ya ka etsang tse kgolo. Yena o tsositse bafu, mme A kgutsisa hlaho, mme a etsa ntho ka nngwe. Empa O itse, “Le tla etsa tse *ngata* ho tsena, hoba Ke ya ho Ntate.”

<sup>284</sup> “Lefatshe ha le sa tla Mpona; empa lona le tla Mpona, hobane Ke . . .” Shebang, “Ke,” Ke—Ke leemedi la motho. “Ke tla ba le lona, le ka ho lona.” Ha ho le jwalo, ha se motho. Ke Kreste.

<sup>285</sup> Ke rialo, ke batla ho itsukutla nakwana, e le mokgwa wa ho kgutlela morao. Motho o fihla moo ka mora nakwana... Ha se ka nako ha o le hodimo *mane*, kapa tlase *mona*; ke dipakeng. Ba ba kae ba e utlwisisang? Ke a tseba le—le nahana le a utlwisia. Ke etsa jwalo, le nna.

<sup>286</sup> Na le tsebile diroki le baporofeta ke boramethapo ka mehla? Ba tsebang seo ba ba kae?

<sup>287</sup> Ba ba kae ba badileng ka William Cowper, seroki se seholo sa Monyesemane? Le a tseba, o ngotse, “Se teng sediba se tletseng Madi, a montsweng metsong ya Emmanuel.” Hoba a ngole thoko eo, le utlwile se mo hlahetseng? Ha se kgale ha ke eme lebitleng la hae. O ne a leke ho ipolaya, mme a nwela nokeng.

<sup>288</sup> Ba badileng ka Stephen Foster ba ba kae, yena ya qapetseng Amerika dipina tse kgabane ho feitisa tsa botjhaba? A e bolokile hloohong empa e se ka pelong. Enereha ha tshusumetso e mo tea, a ngole pina. Ereha tshusumetso e mo furalla, a sa tsebe a etseng ka Yena, mme o ne a lahlehe. A—a—a tahwa. Mme qetellong hoba tshusumetso e hlaphohelwe, a bitsa mosebeletsi, mme a nka lehare mme a ipolaya. Ke hantle.

<sup>289</sup> Shebang Elia, moporofeta. O na nyolohele mono mme a theola mollo lehodimong; a theola pula lehodimong letsatsing la pele; mme a kwala mahodimo a etsa tseo tsohle. Yare ha tshumetso e hlaphohelwa, a tswela lefeelleng mme a batla ho shwa. Modimo wa mo fumana, matsatsi a mashome a mane hamorao, a kgohletse motsheo lehaheng. Ke nnete?

<sup>290</sup> Shebang Jonase, moporofeta. Hoba a hlahise molaetsa wa hae, a nyoloha a dula leralleng, mme a kopa Modimo ho mo dumella ho shwa. Uh-huh. “Mohlanka wa hao a ikele ka kgotso.”

<sup>291</sup> Batho ha ba e utlwisise. Tjhe, tjhe, le ke ke la kgona. Le nna ha ke kgone ho e hhalosa, ha ho motho ya ka kgonang. O ke ke wa hhalosa Modimo. Modimo ha o tsejwe ka patlisiso ya mahlale. Modimo o tsejwa ka tumelo. Re a Mo dumela. O ka e hhalosa jwang? E ka hlola eba tumelo jwang, le ka mohla? Re tseba Modimo ka tumelo.

<sup>292</sup> Kereke e ke ke ya tseba mokgathala le letsapa, le boima le teko, tse lekileng ho O tlisa, Molaetsa. O etsa jwalo. Moputso wa ka ha o tswe bathong.

<sup>293</sup> Sheba mona, mofumahadi. E, ka potlako. Mosadi eo o sirilwe ke lefu. Modimo ha o tle ho mosadi eo hang, ke a bona... Na ha le bone botsho bo lopaletseng bo mo teetse hare? O tliro shwa, ruri. Ha se kgale mona, mohla ba ne ba katlatsa senepe sa ntho jwalo, mme ke se bolokile lapeng. Seriti se setsho se lopaletse haufi le yena. O sirilwe ke lefu.

<sup>294</sup> Mosajana o tswa etswa oporeshene. Mme oporesheneng ena, ba entse oporeshene ya mofetshe. Mme jwale o hlahelwa

ke mathata, mefuta yohle ya—ya, be, makaqabetsi feela. Ntho e nngwe, o tshereda hoo o sa kgoneng ho ema. Ntho e nngwe, senya se tswa boladu. Jwale, ke hore o bone ha ke bue ntho feela. Wa bona? Ke hantle. Empa, mofumahadi, ngaka e lekile. Ke mo rolela kgaebane. Empa, e ne e le setlhare, athe Modimo ke pheko. O tla shwa ka tsela eo. O entse sohle a ka se kgonang. Wa dumela na? [Kgaitsemi o re, “E.”] Tloo kwano, motsotsotso feela.

<sup>295</sup> Ho latela thomo eo ke e neilweng ke Modimo o Matlaohole, eo ke e paketsweng ka Lengeloi, le leng teng jwale ka sebopetho sa Topallo ya Mollo, ke kgalema letemonana lena le nkang bophelo ba mosadi. Ka Lebitso la Jesu Kreste. Amen.

Eya, o dumela jwale. Ka sohle se ka ho wena, dumela.

<sup>296</sup> O na le bothata bo bolayang batho ba bangata ho feta eng feela, lefu la pelo. Ho thwe ke lefu le maemong a pele, empa ha se lona, monghadi. Sebe ke sona lefu la moyo le maemong a pele. O a dumela A ka fodisa pelo mme a o phekola? [Moena o re, “Ke a tseba O a kgona.”—Mong.] Ikele ke hona, o e dumele. Modimo a o hlohonolofatse.

<sup>297</sup> O nahana Modimo a ka fodisa mokokotlo wa hao a o phekola? O e dumela ka pelo yohle ya hao? Eya, o e dumele, kgaitsemi. Sheba se tla o hlahela, o tla hlaphohelwa.

<sup>298</sup> Athritisi le lefu la pelo. Empa o a dumela Modimo a ka o phekola? [Kgaitsemi o re, “Ho jwalo.”—Mong.] Ka pelo yohle ya hao? [“E, monghadi.”] O tla e amohela? [“E, monghadi.”] O tla etsetswa, ho latela ka moo o dumetseng. Jwale tloha, e dumele ka pelo ya hao yohle, mme Modimo o tla o phekola.

<sup>299</sup> Le wena o hlopshwa ke mokokotlo. O a dumela Jesu Kreste a ka o phekola? [Kgaitsemi o re, “E, monghadi.”—Mong.] Eya jwale, o e dumela ka pelo yohle ya hao. Nke ke ka o fodisa, wa bona.

<sup>300</sup> Prostrate, methapo, o bile o jewa ke athritisi. Wa dumela Modimo a ka o phekola, a o fodisa? Wa e amohela na? Eya, mme o e dumele, he.

<sup>301</sup> O dula o hlobaetse kgafetsa, o hohlela. Empa Modimo o fodisa asma. O dumela seo? [Moena o re, “E, monghadi.”—Mong.] Wa dumela O a o phekola hona jwale? [“E, monghadi.”] Modimo a o hlohonolofatse. Ke o leboha, ka tumelo ya hao.

<sup>302</sup> Ha nka itholela teng, ka o bea matsoho feela, o tla dumela? [Moena o re, “E.”—Mong.] Tloo kwano. Ke o bea matsoho, ka Lebitso la Jesu Kreste, mme athritisi e tsamaye. E tlohe.

<sup>303</sup> Tloo. Tloo, kgaitsemi. Wa dumela? [Kgaitsemi o re, “E, monghadi. Nkile ka fodiswa ke Morena pele.”—Mong.] Be, ho a babatseha. [“Alleluia!”] Ikele ke hona o je sophoro, mme mala a hao a tla itokela. [“Alleluia! Alleluia! Alleluia!”]

<sup>304</sup> Mathata a mangata a mokokotlo, a o hlophile halelele. Tloha, o dumele hore o . . . Tloha, o dumela hore o tla itokela, mme Modimo o tla o etsetsa yona. [Moena o re, “Modimo o se a kgonne. Amen.”—Mong.] Amen. Ke yona. [“Ho bokwe Morena.”] Morena a o hlohonolofatse, moena. Amen.

<sup>305</sup> Daebetese ha se letho, ho Modimo ho e phekola. A ka di phekola. O dumela seo? [Kgaitsemi o re, “Ehlile bo.”—Mong.] Ho lokile. E amohele, mme o ikele o dumela ho Yena jwale ka pelo ya hao yohle.

<sup>306</sup> E boetse e o kene mading. O a dumela Modimo o tla o phekola? Ikele, o e dumele ka pelo yohle ya hao, mme o fole.

<sup>307</sup> O a dumela O fodisitse lekgatheng leo ha ntho e ne e o tea? O e entse.

<sup>308</sup> Bothata ba mafumahadi. Lefu la pelo. O a e dumela? [Kgaitsemi o re, “Ke a e dumela.”—Mong.] Ikele, o—o fodiwe ka Lebitso la Jesu.

<sup>309</sup> O a dumela Modimo o tla phekola mokokotlo wa hao, diphiyo tsa hao di tla . . . O hlohonolofale! Tswelapele hantle feela.

Ha ke fodise. Ha ke kgone ho fodisa. Ha ke mofodisi.

<sup>310</sup> O nahanang haele moo A buile ka mokokotlo wa hae, o a dumela wa hao o fodile, le wona? Ke hantle, ikele feela, o e dumela, ke hona . . . Ikele feela o e dumela, ka pelo ya hao yohle.

<sup>311</sup> Wa hao le wena, o a dumela Modimo o a o phekola? Ikele, e dumele, ka pelo ya hao yohle. Modimo o tla e aba haeba o . . . O tlameha ho e dumela, leha ho le jwalo.

<sup>312</sup> O a dumela Modimo o tla o phekola, le wena? [Kgaitsemi o re, “Ho bokwe Morena! Ehlile bo.”—Mong.] Ho lokile. Modimo a o hlohonolofatse. Tloha o tsamaye jwalo mme o dumele ka pelo ya hao yohle.

<sup>313</sup> Tloo, monghadi. Ho rotha lerothodi la kgale le lesweu. Hlahlolo eo e supa daebetisi. [Moena o re, “Daebetisi.”—Mong.] O a dumela O tla o phekola? Ha re etele Kalvari phepelong jwale. Ka tumelo, ka Lebitso la Jesu Kreste, a ke a fole. Amen. Modimo a o hlohonolofatse, moena. E dumele ka pelo ya hao yohle. O a dumela na? [“Nnete e tiileng.”]

<sup>314</sup> Ho thweng ka lona ba mokguping jwale? Le dumela ka dipelo tsa lona tsohle, hore Jesu Kreste ke yena maobane, kajeno, le ka mehla? Le dumela seo? [Phutheho e re, “Amen.”—Mong.]

<sup>315</sup> Ho thweng ka lebatoweng *lena*? Mofumahatsana ya dutseng, mono a ntjhebile hantle, o tshwenngwa ke bothata ba mafumahadi, o a dumela Modimo o tla o phekola? Ya apereng bakana e bolou. Ho lokile. Dumela jwale, Jesu Kreste o a o phekola. Ho bonolo ha kaalo feela.

<sup>316</sup> Mofumahadi ya dutseng hantle ka moriha, ya moriri o lerootho. O itse, “Ke a O leboha, Morena.” Ntho e nngwe e mo teile. Ha a tseba E ne e le eng. Bothata ba senya bo o lesitse, o dutse mono, hantle ka moriha mofumahadi ya sa tswa fola nakong eo. Haeba o dumela ka pelo ya hao yohle mono, mofumahadi. O etsa jwalo? Ho lokile, phahamisa letsoho la hao ha o fela o batla ho e amohela. Modimo o a o phekola.

Ho thweng tlase mona, motho e mong ka *mona*?

<sup>317</sup> Motsheo mono letshweleng, jwale ka tshabo e shweletseng. Le se ke la phethesela. Wa bona, malwetse ana a tloha ho e mong a kena ho e mong.

<sup>318</sup> Ho jwang ka wena, monghadi? Monna enwa wa motsofe ya dutseng mona setulong sena? O a dumela? O a dumela Modimo a ka o fodisa? Athritisi, mme o boetse o na le bronkhatisi. O a dumela Modimo o tla e phekola? O etsa jwalo? Ho lokile, o ka fumana seo o se kopileng. “Ha o ka dumela!”

<sup>319</sup> O nahang, mofumahadi, o dutseng pela hae? O a dumela, le wena? O a dumela? O a dumela Modimo a ka mpolella bothata ba hao ke bofe? O tswa hole le mona. Dumela ho Yena jwale. O a dumela ke o boleletse Nnete? Ke moo kgatello ya hao e hodimo ya madi e tlang ho kokobela. O a e dumela?

<sup>320</sup> O ile wa phahamisa letsoho la hao, le wena. E le ha o leka ho kgothatsa yena. O a dumela Modimo a ka mpolella lebaka... O bile mosa haholo ho mo thusa, jwale le wena Modimo o tla ba mosa ho o thusa. O na le bothata ba moyo esale bo o hlopha. Haeba e le nnete, tsokotsa letsoho la hao *tjena*. Bo tla raroloha jwale. O a bo lokisa.

<sup>321</sup> Ba ba kae ba dumelang? Ke ba ba kae ba lona ba tlang ho amo... o se Mokreste, o ena le e—e maikutlo a hore Jesu Kreste o teng mona, o ratang ho ema hona jwale, ho re, “Jesu, ke batla ho ipontsha ke le moetsadibe, na O tla ntshwarela dibe tsa ka?” Ema ka maoto a hao. Modimo a o hlohonolofatse, monghadi. Modimo a o hlohonolofatse. Hoo ke... Modimo a o hlohonolofatse wena, wena, wena, wena. Sena, O a o bona. O ngola lebitso la hao ha o etsa jwalo.

<sup>322</sup> Ka mona ka nqa seotwanamoyeng, ema ka maoto, o re, “Morena Jesu, ke batla jwalo, ke batla ho itsebisa. Ke batlela moyo wa ka mohau.” Modimo a o hlohonolofatse, monghadi. “Ke batla mohau, Morena Jesu.”

<sup>323</sup> Ha o bone na, motswalla, ke Yena mona? Modimo a o hlohonolofatse, mohlankana. Modimo a o hlohonolofatse. Modimo a o hlohonolofatse, mofumahatsana. Ke ntho e

kgolohadi o kileng wa e etsa. Jwale motho e mong ya eso etse jwalo, ema, o re, "Ke batla ho itsebisa, Morena Jesu. Ke a itsebisa, bosiung bona."

<sup>324</sup> "Ya ipolelang sebe, o tla hauhelwa. Ya patang sebe sa hae, a ke ke a atleha."

<sup>325</sup> Na o tla etsa jwalo, ka pela Sefahleho sa Hae? Modimo a o hlohonolofatse, mofumahadi. Ke batla...Modimo a o hlohonolofatse. E. Mme Morena a o hlohonolofatse. Modimo a o hlohonolofatse, monghadi. Modimo a o hlohonolofatse, mofumahadi. Morena a o hlohonolofatse.

<sup>326</sup> O ka re, "Ebe hoo ho etsa taba?" Pakeng tsa lefu le bophelo, ke yona phapang.

<sup>327</sup> Na le elellwa Sefahleho sa Hae mona? Na le ellelwa seo? Na le a se utlwa? Wa bona, le a Se bona, ho Se bona se sebetsa. Ke Yena eo. Ke sona seo A boletseng A tla se etsa. Le a e dumela na? [Phutheho e re, "Amen."—Mong.]

<sup>328</sup> Motho e mong ya reng, "Ke batla ho itsebisa ke le moetsadibe, Morena. Ako ntshwarele dibe tsa ka jwale." Haeba o se o eme, ako phahamise letsoho la hao feela. Bang ba lona pela mabota, phahamisang...Modimo a o hlohonolofatse. Modimo a o hlohonolofatse. Motho e mong ya rialong, hodimo kwana seotlwanimoyeng ho ella morao, ya reng, "Ke batla ho itsebisa, Morena Jesu. Ke kopa mohau, bosiung bona, ka pela Sefahleho sa Hao se Mokgethwa, ke a dumela hobane, wona Modimo o tla nkahlola, Sefahleho sa Wona se mona jwale. O a tseba hore O bua le pelo ya ka mme o mpolella hore ke phoso. Ke batla ho ema le ho ipolela ke le phoso. Ke ipolela phoso ya ka. O ntse o nkahlola, pelong ya ka." Ke lona lebaka leo ke kgaoletseng mola wa thapelo. Modimo a o hlohonolofatse. Modimo a o hlohonolofatse.

<sup>329</sup> Le nahana ke o kgaoletseng? Ke kgaoitse hoba ke tsebile ha seo se tlameha ho etsashala.

<sup>330</sup> Jwale, ba bang ba teng mona, na le ke ke la ema? Ema o re Ntho e bua le pelo ya hao, o phoso. Modimo a o hlohonolofatse, monghadi. Modimo a o hlohonolofatse. Modimo a o hlohonolofatse. Modimo a o hlohonolofatse. "Ke phoso. Ntshwarele, Morena. Ke a itsebisa. Ke a ema, Morena, ka pela Sefahleho sa Hao. Ke a tseba O teng mona. Ke...O tlamehile o be o le teng mona. O boletse e le sona se—se O tlang ho se etsa. Jwale ke...Ke bone pontsho, ke a tseba e hlalositswe nna hore e tlamahile ho ba pontsho ya letsatsi lena. Ke utlwile Puo e kgutlisetsang pakong. Ke nna enwa, Morena. Ke dumela pontsho. Ke utlwa Puo."

<sup>331</sup> Puo e bua le lona jwale! Kgutlang, oho wena ya hasaneng! Kgutla, oho wena naledi e kgerang! Kgutla, oho wena esale o lelekwa! Kgutla, bosiung bona!

<sup>332</sup> Na o ke ke wa boy? Ako eme feela mme o re, “Ke itsebisa ke le moetsadibe, ke kopa mohau.” O tla etsa jwalo, motho e mong? Modimo a o hlohonolofatse, mofumahadi. Modimo a o hlohonolofatse, hodimo mono, mora. Ha nka o fosa, Yena a ke ke. Modimo a o hlohonolofatse, mofumahadi. Ke hantle haholo. Ke hantle haholo. Motho e mong hape? Le nne le... Ke batla ho tswella nakwana, hoba ke sa utlwa morwalo mona, wa bona. Motho e mong hape? Modimo a o hlohonolofatse, mofumahadi. Ke wona mokgwa wa ho e etsa. Ke yona. Motho e mong, “Ke batla ho itsebisa, ho ema feela le ho re ke phoso. Ke kopa mohau”? O tla e etsa na? Ka potlako pele re tswella, ema mme o re, “Ke batla ho itsebisa, Morena Jesu.” Modimo a o hlohonolofatse, mofumahadi e motjha.

<sup>333</sup> Wa tseba, mohlomong pele o fihla hae, empa mohla o mong kapa neneng moyo o phodileng o mosesane o tla phutlela sefahlehong sa hao. E ka ba hoseng mohla ngaka e tlang mme e phopholetsa ho thanya ha mothapo ho nyolohang ka sephaka sa hao, ha ho letho le ka etswang. Ke moo o tla utlwa maqhubu a phodileng a lefu a phalla sefahlehong sa hao. O tla hopola seo o se entseng.

<sup>334</sup> O e hopole, ba ke ke ba o epela botebo bo lekaneng, ha ho letho leo ba ka o etsang lona. Modimo o tshepisitse, “Ke tla boela ke o tsosa, letsatsing la bofelo.” Shebang. “Ya utlwang Mantswe a Ka mme a dumela ho Ya Nthomileng, o na le Bophelo Bosafeleng mme a ke ke a tla Kahlolong, empa o tlohile lefung ho kena Bophelong.” Motho a ka E hlakola ha a kgona. Ke Jesu Kreste ya boletseng Hoo. “Ya dumelang, ke ho re, ya utlwisisang Lentswe la Ka mme a dumela ho Ya Nthomileng, o na le Bophelo Bosafeleng, a ke ke a tla Kahlolong, tsuong, empa o tlohile lefung ho kena Bophelong.” Hobane, o dumetse ho Mora ya tswetsweng a nnotshi wa Modimo, eo Modimo a mo tsositseng, dilemong tse dikete tse pedi tse fetileng, mme o phela mona, bosiung bona, o ntse a bontsha tholwana ya Hae ya tsoho ya Hae.

<sup>335</sup> Na ho ba ka le e mong ya emang, ka mora moo, e mong ya reng, “Ke batla ho E amohela. Ke batla ho Mo amohela.” Modimo a hlohonolofatse. Modimo a o hlohonolofatse. Ke hantle haholo, mofumahadi e monyenyan. Ke ntho ya tonana eo. Ke batla hore o elellwe.

<sup>336</sup> Ke bone memo ya aletare, nakwana e fetileng mona, batho ba nyoloha, ba hlafuna boroku, ba kgotlana lephakong.

<sup>337</sup> Empa na le lemohile botshepehi bo difahlehong tsa batho bao? Basajana ba batjha bao, esita le ka mora ho ahlolwa ka moriri wa bona o ponngweng, ho tlola meikapo; ba itshasitse ka meikapo oo, le moriri o ponngweng, ba eme leha ho le jwalo,

“Ke moetsadibe. Nkgauhele, Modimo.” Ke Peo eo e robetseng mono. Lesedi le e tjhabetse, mme ba e tseba. Modimo a le hlohonolofatse.

Ha re inamiseng dihloooho tsa rona.

<sup>338</sup> Ke batla modumedi e mong le e mong mona, ya emeng haufi le motho ya emeng, a bee matsoho hodima motho eo, (le tla etsa jwalo?), eo ya emeng. Ba ne ba eme pela lona. Ha o le Mokreste, bea letsoho la hao, hodima kgaitse, moena, “Jwale ke o beile letsoho hodimo. Ke tlilo rapela.”

<sup>339</sup> Ntate ya Mahodimong, ba teng mona bosiung bona ba—ba O dumelang. “Dipeo tse ding tsa wela pela tsela,” O re, “dinonyana di tlie tsa di thonaka. Tse ding tsa wela mobung o majwe, le meutlweng le ditshehlong. Empa tse ding di wela mobung o motle, o nonneng.” Mme Sefahleho sa Hao se le teng mona, bosiung bona, se kgodisitse bongata mona bosiung bona hore O Mora Modimo, hore O phela ka mehla. Mme O tshepisitse, erehaka Ke phela, le rona re ka phela.

<sup>340</sup> Morena Jesu, ba eme mme ba ipeile dipaki tsa hobane ba dumetse ho Wena. Jwale, Morena, ke a tseba O tla ema le bona Letsatsing leo. Fana ka sena, Morena. Ke ba abela Wena, ka Lebitso la Jesu Kreste. Ba ke ba ye kerekeng e itseng e lokileng ba kolobetswe ka kolobetso ya Sekreste. Ba ikopanye le sehlopha se lokileng sa badumedi. Ba tlale Moya o Halalelang. Ebe dikgau tsa Evangedi, mahakwe a moqhaka wa Hao ka Letsatsi leo. Mme ha ke sa ba bone hape mose o kwano ho Letsatsi le leholo leo, nke ke ba bone ka Letsatsi leo jwaloka ponong, ho thwe, “Ha o nkgopole na? Mohlang oo mane Baton Rouge, bosiung boo, mohla ke emang.” Fana ka sena, Ntate. Ke ba Hao, ka Lebitso la Kreste.

<sup>341</sup> Mona, ho robetse pela ka, lebokose la disakatuku, dietana, dibutshu, disakatuku, le masela, le diaprone. Re a rutwa, Bibeleng, ba nkile ho Mohalaledi Pauluse, disakatuku le diaprone tse ammeng mmele wa hae, meya e ditshila ya tswa bathong. Jwale, Ntate, re a tseba ha re Mohalaledi Pauluse, empa O sa le Modimo, ke O rapela ke hona ho hlahisa diphetho tse tshwanang, ka moo moloko wona o dumelang ka botshepehi. Ha ba dumela Pauluse ka hoba e ne e le Pauluse; ba dumetse Pauluse ka hobane O Iponahaditse le Pauluse. Mme jwale ba dumela ka ho tshwana bosiung bona, Morena, hore O tsebisitswe hara rona, bosiung bona. Mme tsatsi le leng, re re...

<sup>342</sup> Re boleletswe ke mongodi e mong, ho re, “Mohla Iseraele e leng leetong la yona la lefatshe la pallo, mme Lewatle le Lefubedu le ema tseleng, ho ba thibela lefatshe la pallo.” Mongodi o boletse, ho re, “Modimo o nyaretse ka Topallo ya Mollo, ka mahlo a befileng, mohla E tsamang e lopaletse hodima Iseraele. Ya hlahisa bofofu, lefifi ho mosadumele, le

lesedi ho Iseraele. Mme mohla Lewatle le Lefubedu le emang tseleng, la tshoha, la phikoloha le honyela, mme Iseraele ya parola mobung o omileng e ya lefatsheng la pallo.”

<sup>343</sup> Morena Modimo, ako nyarele bosiung bona, ka Madi a Jesu Kreste, Mora Hao. Ke sa bea matsoho hodima disakatuku tsena; e tle re ha di bewa hodima bakudi, Moya o Halalelang, Morena, o shebe motho eo, mme mafu a balehe ho wona, mme ba tshelele lefatsheng la bophelo bo botle le mattla. Etswe, Bibele e itse, “Hodima tsohle,” ba lakaditse ha re “atlehile mmeleng.” Fana ka sena, Morena. Ke di romela, ka Lebitso la Jesu Kreste. Amen.

... a mpiletsang teng,  
Ruri moo A mpiletsang . . . (ha re bineng  
feela) . . . teng,  
Ke a dumela, (jwale Boteng ba Hae bo mona,  
ha re Mo roriseng ka thoko, ka mosa), ke a  
Mo latela.

<sup>344</sup> Na le ka e bina tjee?

Ruri moo A mpiletsang teng,  
Ruri moo A mpiletsang teng,  
Ruri moo A mpiletsang teng,  
Ke a dumela, (ha o rata, jwale phahamisa  
letsoho la hao), ke a Mo latela.

Ha re emeng jwale, le boeile le phahamiseng matsoho a rona hape.

. . . Mo latela serapeng,

<sup>345</sup> E mong le e mong a bine ka Moya jwale. Ke Molaetsa o kgethulang habohloko. Ha re Mo roriseng ka pela Sefahleho sa Hae. O rata ho roriswa.

. . . serapeng,  
Ke Mo latela serapeng,  
Ke a dumela, ke a Mo latela.

<sup>346</sup> Jwale re se bineng ka marameng. “Ke utlwa . . .” Jwale ha o etsa jwalo, ke batla o tsukutle matsoho le motho, o re, “Modimo a o hlohonolofatse, mojaki. Modimo a o hlonolofatse, mojaki,” ka tsela eo. Bohle re bang. Methodise, le Baptise, Presbeteriene, Mapentekosta, bohole ba tsukutlane ka matsoho. “Modimo a o hlohonolofatse, mojaki.” Ke sona seo re leng sona: bajaki. “. . . serapeng.”

<sup>347</sup> Modimo a o hlohonolofatse, mojaki. Modimo a o hlohonolofatse. [Moena Branham le phutheho ba tswella ho tsukutlane ka matsoho. Sekgeo lebanteng—Mong.] “. . . serapeng.” Jwale re phahamiseng matsoho a rona.

Ke a dumela, ke a Mo latela.

<sup>348</sup> Ha re inamiseng dihlooho tsa rona, ka boikokobetso, thapelong. Le se lebale, hoseng, ke sekolo sa Sontaha.

<sup>349</sup> Ka mokgwa o itseng, ke utlwa Sefahleho sa Modimo ka kgodiseho pelong ya ka. Ke thatafallwa ke ho tsamaya, bosius bona, ka tsela e itseng. Ke a utlwa Moya o Halalelang o thabile, bosius bona. Hosasa re ka tshoha re tshwara tshebeletso e kgolo, ho bona batho ba e tla ho Kreste, wa bona. Motho a ka ipotsa hobaneng ke bitsitse aletare eo. Ke ema ho fihlela ke tataiswa ho e etsa. Wa bona?

<sup>350</sup> Ke tshepa mang le mang ya phahamisitseng letsoho la hae, kapa a ema, ke tshepa o tla etela kereke e itseng e lokileng hosane, ho nka madulo a hao hara badumedi.

<sup>351</sup> E re re sa inamisitse dihlooho tsa rona, ke tilo kopa modisa mona ho tswela kapele, ka kopo hle, ho qhalanya. Modimo a le hlohonolofatse jwale, dihlooho tsa rona le dipelo di sa inamisitswe pela Modimo.



### *PUO YA PONTSHO SST64-0321E*

(The Voice Of The Sign)

Molaetsa wona, ka Moena William Marrion Branham, o rerilwe sethatong ka Senyesemane moqebelo mantsiboya, Hlakubele 21, 1964, Sekolong se Phahameng sa Denham Springs, mane Denham Springs, Louisiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE

P.O. Box 178, SOMERSET WEST, 7129 CAPE PROVINCE

REPUBLIC OF SOUTH AFRICA

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)